

聖

南州書樓藏書		
徐	湯	殷
編	字	號
年	月	日

海瓊王瞻先生文集卷第五

南極老人臞仙重編

山陰

何繼高

新安

汪軫行全校

劉懋賢

五言絕句

立春

顯帝位方禪勾芒印已交芭蕉有封事黃鳥莫譏譏

早行

店遠鷄聲近月斜人影長再三謝風露拜賜一天涼

風窓

窓隙針來大霜風聖得知耳邊如箭急直把菊花吹

遠景

岸樹冥茫外人家點畫中斷煙分紫翠殘照抹青紅

梅花

影上酥花峭枝頭蠟糝清姮娥約勝六夜半過江城

江頭

江上初收雨雲頭尚戀山歸帆巡古岸晴草守滄灣

許旌陽故宅

詩多唐代刻栢尚晉時青想得真君劔猶餘蛟血腥

示周道士

人行秋色裏詩入畫圖中笑指白雲頂須啼第一峰

得友人書

千里如天遠三年不此來書從雲外至手把月中開

五夜

五夜風吹露林間鳥喚羣鐘聲和月落驚起四山雲

步自玉乳峯歸

薄暮一凝佇歸鴻千有餘倚松吟半餉月影瀉庭除

月映山頭禿雲迷路口又仰天方索句一鶴立松了

課園夫

已屬畦丁了都將菜甲耘數時積食籍醢芥又羨芹
問我何厨傳珍鮮滿故園笋方青剥指茄欲紫垂拳

蠟梅

破蒼如凝蠟粘枝似滴酥恍疑菩薩面初以粉金塗

寶慈寺

殿古涵煙冷樓空得月多鐘聲巡遠岫塔影卧清波

木犀

雨送炎官印風宣白帝麻欲知秋面目細看木犀花

江樓夜話

江霧秋樓白燈花夜雨青九天無一夢此道付晨星

獨步

月澹黃茅路煙明紅葉村有懷如阮籍更贈一聲猿

晚眺

嶺口雲拖白江頭葉借緋西風來問罪老火不須威

晚酌條然閣

殘暑猶拖尾新涼恰打頭酒方屯魯郡舞已徹伊州

白王嬭集卷五
閑縱偶成

已具看雲眼而生伴月心西風相體認紅盡綠楓林

落梅

終日聽鶯語商量一樹梅看承花未了排辦雨將來

春晴

宿靄縈餘凍鬆陰挾嫩晴朝來花萬福鶯奏起居聲

牧童

楊柳陰初合村童睡正迷一牛貪草嫩喫過斷橋西

送別

十日九風雨一春三別離予嗟吟骨瘦子亦坐詩癡

夜醉

瑟瑟瑤瑤爛醉如泥了睡至谷谷呱東窓梅影曉

南湖

已拾詩笈篋猶如酒滿船湖光清似鏡俯仰兩青天

送郭進之

避暑白雲鄉茶甘齒頰香海城悲暮角煙樹淡斜陽

睡起雨作

一枕夢雲過半空詩雨來新蟬吟不了盡晚自啣杯

風雨

隔岸蘆招手
沿溪柳拜人
兩庋黃竹路
水嚼白沙津

惜春

薄倖東風者
無心半點春
桃花吹滿地
片片似魚鱗

泊舟聽雨

人已就船眠
犬知何處吠
雨來開秋江
全似茶鐺沸

醉吟二首

松風吹我飛
手搦空中月
笑指蓬萊山
可補銀河缺
醉搦山先走
行呼月後隨
欲眠梧影下
又恐白雲知

感詠十解寄呈楊安撫

大隱在朝市
仙人好樓居
方平今白髮
未許見麻姑
身如雲樣輕
心似月兮皎
何物堪贈君
一顆安期棗
風吹五花輦
露綴九光輿
夜半紅塵起
琴高失鯉魚
上界足官府
大仙多拘束
遂令東方朔
只戀殿前肉
王女鳴珂珮
投壺不憶題
劉安無復傲
殿殿叩星扉
酒專風月權
詩欠江山債
恐是試長房
塵勞君少耐
伊昔爲句漏
其心在丹砂
丹成遽仙去
不且判鸚花
雞翹豹尾中
鳳閣鸞臺客
何似許旌陽
西山煮白石

躍馬西湖道載酒湖水濱一蝶忽花下招之論大椿
青山猶古人碧草亦大雅幽鳥話昇平陳搏何爲者

權歌九章寄彭鶴林

榔聲擊空碧帆影浮滄浪倚權蓼花洲一犬吹斜陽
鷗飛梅山前翠中一點雪何處鍾聲來雲梢推上月
碧潭藏老龍夜半水底吟激飛寒空露淒動幽人心
岸上酒旗舞寒蕪生秋風誰家六七童手持金芙蓉
波心採蓮女流花近吾船移船入蘆荻吹笛下晴川
朝吸西風餐夜弄明月舞萬頃碧琉璃下有王清府

黃昏杳無人孤江但翠竹惟有白鷺鴛伴我舟中宿
夜闌笙鶴鳴銀汀斗欲瀉可憐舟中子散髮蒼山下
青山嚼落日白楊吐悲風欲覓玄真子滄洲雲濛濛

芙蓉

臨水翫芙蓉一花還兩影上倚夕陽斜下浸秋波冷

月夜書事

月光流如酥天影湛於水饑鶴啄梅花風吹酒波起

晚吟二首

山似詩肩聳江如酒量寬雲描秋色老松寫暮聲寒

山色重拈出秋雲似削平可憐松下路月黑不堪行

曉晴

昨夜天成雨今朝水滿池睡酣渾不覺想見竹聲奇
月落松方暗花非鳥正啼青山春窈窕碧草曉淒迷

泊舟順濟廟前

梧葉落滿地西風洗九天鶴聲明月夜曾此繫吾船

山居

月落雞吹角夜長鵝報更山中無曆日日出即天明

山前散策

月影黃昏後詩天眼界寬野香尋得見石背一枝蘭

有懷轟尉

五首

身豈能為患心何可得安想應知鶴怨未得伴鷗閑
北闕投封事南山返故廬李衡千樹橘張琰一園蔬
月濕松梢露溪鳴竹裏風是中有詩味何日一樽同
不是無知己相忘獨有君孤襟開皓月往事付浮雲
劍浦猶殘堠螺江始問津向來風浪惡回首謝靈均

徐道士水墨屏

四首

鴈側風前字烟凝雨後情不知誰氏子持釣立江城

人遠看來短山遙淡欲無水邊漁舍密天際客帆孤
亂山草斜出危岡竹倒懸人家春樹裏山色夕陽邊
霜月沉青嶂汀鷗卧白沙曉風刪竹葉秋霧補山丫

春宵有感 八首

春夜常如歲何妨秉燭嬉百花俱中酒萬竹自吟詩
安得安期棗如瓜恐不然楚江萍似斗春華藕如船
百念今何女何年遂大刀瑤池春不老誰復敢偷桃
憎却堤邊柳青絲復爾長自憐愁裏鬢不覺暗中霜
月落知何處夜長無了時幽人春自感鶯燕亦何知

書來相借問客至欲如何自草黃庭去歸來管割鵝
命駕承千里論文且一樽春高人易老風雨閉柴門
多愁君自爾不樂我何曾西北山如削明朝約共登

閑吟 三首

東園風雨霽一巷海棠開曲折穿花去深行忘却回
四首鳥啼夜傷心月滿樓真成花命薄不及柳風流
啼鳥千山暮輕風一路青草連江色暝月對夕陽明

聽琴 有序

夫琴慘舒即心喜憂心逸琴逸心戚琴戚琴感諸

心三城集卷五
心心寓乎琴心乎山則琴亦山心乎水則琴亦水
心乎風月琴亦倚之而於絃外求之斯道也已黃
庭三疊可舞胎仙紫經九靈可諧造化瓠巴死人
非鍾子期嗚呼琴在人亡世無琴矣廬山杏溪高
人吳唐英延帝一於絳宮召太和於丹府瀏其所
傳而養而嫁之於琴也予過聽之絃拍相忘聲微
相化其若無絃者也故作是詩以美之

十指生秋水數聲彈夕陽不知君此曲曾斷幾人腸
心造虛無外絃鳴拍甲間夜來宮調罷明月滿空山

聲出五音表彈超十拍中鳥啼花落處曲罷對春風

山菴曉色

燭影奪明月鍾聲撞曉雲絃盤餘拍子傾作一爐焚

雪窓

素壁青燈暗紅爐夜火深雪花窓外白一片歲寒心

贈船梢

苦海無船渡衆生到岸難勸君齊着力結取萬人歡

風臺遣心

三首

春色濃於酒梅花瘦似詩長青今歲葉粲白去年枝

鷓報千林曉梅供一枕香曉來春思倦餘夢尚悠揚
青盡池邊柳紅開檻外花數時長病酒今日且分茶

王艷亭卽事 五首

正月梅花盡一溪春雨香燕方尋故壘蜂已葺華房
夙酒縈懷處芳亭桂頰間一鶯黃翠柳雙鷺白青山
黃鳥新聲變青山霽色妍預為寒食地晴放海棠天
犬見行人吠牛尋熟路回烟光迷碧嶂花片點蒼苔
風雨平安日山林富貴天笋芽青露爪蕨蕪紫伸拳

偶作 二首

露滴中宵月松搖古谷風三身紅背齒四智碧芙蓉
雪後竹君子霜前松大夫梅殘半點白猿叫一聲孤

飲徹

美事般般四良辰盞盞雙霜風冰硯水山月影軒窓

蝨

褲裏無供給禪頭儘受降賜之湯沐罷投置不毛邦

山齋夜坐 二首

嗅花風入鼻掬水月浮身夜靜焚香坐空山一箇人
驚夢後三咽窺帷月一痕無人空犬吠依舊掩柴門

護國寺秋吟 八首

鴈過天成畫魚驚水作紋簷牙宵吐雨殿春曉馱雲
 酒弄三竿日詩成一枕風寒聲落鴻鴈秋意著梧桐
 樓影秋江白苔碑卧夕陽水昏沙暮起一一鴈南翔
 嫩竹容歸鵲寒松捧落暉危紅和露落空翠撲衣飛
 竹手擎雲重松肩荷月高烟收天地闊醉目數秋毫
 犬吠月如晝馬鳴人渡橋更無詩與酒虛度可憐宵
 香篆孤烟裊燈龕寸火微夢和明月冷心與白雲飛
 星似螢千點雲如鶴一雙孤吟寒不寐落葉打空窓

春日散策

水長二三尺梅餘六七花明朝須不雨今晚已成霞
 柳眼開何媚蒲芽長得伸寒花方謁日新燕已參春

寒食

日落千山暝風吹一路香燕依花色紫鶯體柳絲黃

冬暮

風落松梢雪山收竹外烟清吟凝醉眼獨立聳新眉

倚馬觀二鶴

對舞鳴仍和雙飛去復回歸家千載遠丹竈竹蒼苔

卜居

路似羊腸遠溪如燕尾分青山相領略許我一丘雲

感春

晴少春光淺寒多酒力微一聲山鷓過數點海棠飛

山前行散

人在鶯花裏春歸杖屨中風迎何處鶴宿我洞門松

水蛭

屋宅纔蝸大身軀與蚓般楚王吞不得勅賜鷺鴛餐

春日自省二首

燕語今生事花開夙世紅不知終日醉何以謝春風

雪洗桃花面烟描柳葉眉與春同是夢安用賞春為

春晚

我恠東風黠暗知春欲歸盡將楊柳絮剪作雪花飛

六銖五首

身衣六銖衣笑折瓊林花豈知人間世有人服苧麻

人間百春秋天上一晝夜六丁驅日輪長過咸池下

紫皇坐望玉臺勅我草洞章落筆三百首飲我白玉漿

我着紫綺裘俯視蓬萊洲手把八空无縱身雲中游

我醉輒指麾莫向大帝說要煉五彩石去補西天缺

棘隱壁 三首

苔空綠錢死松老清陰瘦結廬卧白雲栢子燒春晝
幽鳥噪巖谷寒煙鎖薜蘿忽遇金蟾吟無人自呵呵
碧草正春風雨晴竹落涕白鳥忽飛來點破一山翠

霞隱

仙翁棲紫霞顏童髻不華客來問玄機笑指菖蒲花

露珠

秋河一滴露夜墮即珠然吹入玉盤裏走盤如許圓

六言絕句

題丹晨書院壁

春晝花明日暖夏天柳暗風涼秋桂月中藏影冬梅
雪裏飄香

冬夜巖居 二首

回首青鸞何處長空萬里蒼煙中酒梅花月夜懷人
松籟霜天

孤澗月華明水半簾梅影香風惆悵謫仙何處無人
共倒金鍾

田舍

清閑實天所惜富貴於我何如野馬書空咄咄醯雞
擊缶烏烏

苦雨

櫻桃大如紅乳芍藥開似巨觥不念蝶蜂苦雨姑煩
鶯燕祈晴

偶成

柳葉枝枝弄碧花梢點點粘紅尚有幾分春色還我
一半東風

午睡

簾織湘筠似浪帳垂空翠如烟一片睡雲驚散綠槐
高處風蟬

秋熱

槐窓過兩項雨竹榻無一張涼風揭蓮花白起月篩
桂子黃香

謝葉文思惠茶酒

先將茶蘼薰酒却採枸杞烹茶子謂人非土木賢知
吾豈匏瓜

呈嬾翁 六首

倦子冷居姑射居士高卧毗耶鈍置詩盟酒約只自

焚香喫茶

酒惡頻將花嗅睡酣便把茶澆秋到梧桐枝上夜來

風雨蕭蕭

金醴青如竹葉玉娥白似蓮花聞君微恙脫體杖藜

欲訪君家

蓮葉嫵風狼籍稻苗得雨精神翻憶武夷九曲去秋

臧棹溪邊

醉時枕上化蝶睡起筆下生蛇日長心下無事餓來

只是餐霞

秋雨織愁成段暮雲過眼生花棲鳳亭中寂寞武夷

舊有仙家

七言絕句

武夷有感 十首

春

雨霽煙凝正夕陽子規啼斷幾人腸東風不動些情
思無限落花春自香

夏

鶯喚綠楊抽嫩葉蝶催碧藕發新花颯然一點薰風
至日落前山噪亂鷗

秋

雨餘秋蘚幾堆錦日出朝葵千簇金對景適然發清
嘯野猿驚泣綠楊深

冬

幾尺雪藏山徑暮一枝梅簇洞門春溪頭昨夜冰寒
綠風捲彤雲發曉噴

曉

風吹萬木醒樓鵲月落西山啼斷猿雲捲翠微深處
寺一聲鐘落碧巖前

暮

碧雲紅樹晚相間落日亂鷗天欲昏人去採芝不知
返草廬空自掩柴門

行

兩脚初收起暮煙芒鞋竹杖翠雲邊東風解發陽春
意放出落花啼鳥天

住

月冷風清三徑竹猿啼鶴唳一窓雲開門放入前山
翠試把星兒栢子焚

坐

千山猿叫月如晝萬籟風號天正秋霧濕蒼苔煙漠
漠白雲飛夢過瀛洲

卧

巖下煙深人不來白雲寂寂掩蒼苔松花落地鳥聲
寂一枕清風送夢回

題精舍

到此黃昏颯颯風巖頭只見藥爐空不堪花落煙飛
處又聽寒猿哭晦翁

漁舍

江上蓼花紅似血江頭沙磧明如雪前山後山寂無
人一犬夜吠松梢月

酒泉午頓

筵方合爪蕨擎拳好與同參詩裏禪居士聞韶今已
久爐峯為我曉生烟

白王集卷五
酌貪泉因弔吳隱之 三首

人其祿士為齷鹽谿窳民財飽未厭不識隱之心與
口酌泉依舊只清廉

酌之一似取廉名未酌泉時本自清向使無泉亦無
語不貪不酌更分明

晉人相扇以清名何事因泉始立清清到饑寒妻子
地此清太不近人情

柳菴力高士與同散步 二首

老槐蒼蒼嫩槐綠小麥青青大麥黃燕已生雛鶯已

去落花不管蜂蝶忙

功名不直一杯水富貴於我如浮雲詩句清妍仍淨
遠游絲飛絮聽繽紛

示如淨講主

浩浩春風泛碧梧娟娟秋水照芙蓉大師佛法無多
子居士身心本一如

重九

踈風冷雨北山南時見歸鴻度碧潭重九日人多是
醉雨二枝菊總斜簪

閩中曉晴賞牡丹

晴窓冉冉飛塵喜寒硯微微暖氣伸喚醒東吳天外
夢化為南越海邊春

憶鶴

洞裏不知城市改人間再到子孫非有誰尚自看華
表何處如今叫令威

夜半

夜半風吹遠夢回直從海上忽飛來回頭但見山三
點徹席猶餘酒一杯

朝斗

夜樓一穗玉爐煙飛入三天最上天朝罷滿空風露
晚世人應是更貪眠

過石梯

小傘輕包手自携少需脚力過危梯入門失問翁高
姓看盡壁間前後題

城樓晚望

女牆駕月子城東暮色初來詩興濃綠暗紅稀春結
局望中白鳥入青峯

仙居樓

萬籟沉沉清夜闌樓前獨自倚欄干金雞叫罷松風
動三十六天秋月寒

折梅

夜半披衣凭玉欄天風吹露灑琅玕前臺後臺月如
水雲去雲來梅影寒

一朵寒香已自奇高丫兩朵更清姿樹前樹後花都
絕折了南枝折北枝

幽興

一春病酒廢登臨風攪石楠花滿林山色有無煙聚
散溪光動靜鴨浮沉

夜深

一晚尋思未得詩樓前只有月相知夜深欲睡還貪
坐坐到五更鍾動時

灸燈

觀裏多時道士憎只知貪酒百無能黃昏鍾了無人
跡借得鄰房一盞燈

偶書 二首

手撚茶蘼綠酒惡十二欄干凭一角歸興應如春樣
濃前亭後亭花自落

絳闕清都何時到滄海桑田誰與憐三十六天歸路
穩撚花對酒一凝然

墨竹

虛舟惠我一墨竹紙上森森一枝玉展向庭前與鶴
看今宵不許枝頭宿

鶯

踏折海棠花一枝一枝花露濕金衣捎將粉蝶直飛

去却在綠楊深處啼

春晚憶故人

車痕馬跡遍江湖且捲琴書又草廬
暮故人千里一書無

贈相士徐碧眼

碧眼何須青白為冰辭電語不吾欺
君看衮衮腰金者曾見騷壇大將誰

雪晴二首

桃李無言蜂蝶忙曉寒未肯放春光
花將計會千山

雪風爲我埋一夜霜
早上新鶯語尚蠻花無氣力倚雕欄
幸蒙殘雪回頭
早又遣東風薄倖寒

梧窓

夜半山風響翠梧一窓皓月照琴書
試將筆架山頭屋間有清幽似此無
世事如塵掃又生梧窓終日坐冥冥
有時飲罷却行樂立看風吹閣上鈴

盤雲

今古無門閉是非無心出岫已知機
于今收拾歸山谷不逐春風上下飛
筆架山頭一片雲盤旋巖谷不求伸
時人只恐清風起吹作皇都雷雨春

戲鶴林

柱下固能官老子漆園亦可祿莊周
鶴林不仕知何意快取青氍趁黑頭

覽鏡

歲事輕輕好送窮頭今未雪臉猶紅
一回覽鏡一回

老天已安排欲我翁

黃岡

海山千里起風沙
拂拂籃輿細雨斜
雲裏桂松連岫
碧自酤市酒慰蕉花

贈別徐監觀

曉來自點素馨湯
兩朶蓮花隔宿香
夜醉至今猶未
醒荔枝取次對離觴

送鄭陽春

前身莫是鄭安期
井竈重來跡已遺
澗底菖蒲無可

採共君細讀漢時碑

蝸牛

有宅一區長自負
受田百畝不能耕
壁間銀篆方猶
濕早已枯然夢兩楹

早秋

雲來雲去狀秋陰
細雨籠晴夕照沉
半夜月明千籟
靜一聲猿叫萬山深

七仙寺石履

踏遍三千及大千
除非鐵脚始能穿
當時達磨持歸

自王明集卷五
去何事傳來到七仙
古人參罷祖師禪已證如如不動尊想見脚根堅似
鐵履鞋化石儼然存

次韻王將仕

散髮披襟樂醉鄉從朝笑語到斜陽坐來一片蟬聲
久未信人間有此涼

白霧重重山復山山光樹色有無間是中紫翠皆詩
料病起無聊着句難

示周道士

前山隱隱起雷聲細雨絲絲濯旱氛何處飛來松上
鶴晚風唳斷九天雲

秋日書懷

桂花已是上番香楓葉飄红柿葉黃社日雨多晴較
少秋風晝熱暮差涼
檢點秋光莫問天只從鴻鴈見推遷未霜楊柳老多
病旣雨芙蓉美少年
秋風秋雨索人詩雲放千山翠色奇重九數來還漸
近木犀開了不曾知

殘春

昨日春光更水涯
水涯今日已春歸
只道無蹤跡
尚有青苔一片花

蕭侍郎故居

玉笥山前蕭子雲
手携白壁翫青春
碧壇夜夜松風起
八十二人朝玉宸

行春辭

一斗百篇誠有之
無人知我只春知
吟逢蝴蝶卽莊子
醉見海棠真貴妃

春來春去不知時
只有詩人冷眼窺
夜雨揩磨好山色
曉風擡舉舊花枝

園園是日是花開
我又何朝不醉來
井有人焉蛙兩部
日之夕矣蝶三臺

借彼笙簫鼓笛中
詩人隨分得春風
提壺處處老監酒
布穀朝朝講勸農

幾日春功似有加
曉來萬象盡排衙
羣鶯主管園林事
一雨巡行桃李花

終日尋春入醉鄉
不知何處見春光
風條舞綠水楊

柳雨點飛紅 山海棠
 政是風嬌日 駮天蓄微粉
 褪海棠 蕙貴人那得看花
 福多在綠窓 猶醉眠
 綠楊無力暖 相依不管黃鶯訴
 落暉水被魚吹成雨
 點花為蝶擾 逐風飛
 寶馬香車 政踏青豈知已
 自過清明 燕雛告訴花都
 落鳩婦丁寧 雨速晴

山歌

中秋夜月白如銀 照見東西南北人
 古往今來人自

生月落幾番新

典釵賣釧買中秋 買得中秋醉
 又休明日酒醒無米
 煮兒啼妻怨甚來由
 人來人去唱歌行 只道燈明不月明
 月不消觀月但觀燈

農歌

上田稻似下田青 乳鴨兒鵝陣陣行
 稻熟酒新鵝鴨
 大村歌社舞賀秋成

春晚行樂

白雲峽集卷五
一點春山一點愁一絲暮雨一聲鳩病中况更綠詩
苦夜去可堪無酒休

今夜遙知春欲歸望春不極立多時草迷野渡東西
岸月挂寒松上下枝

曉雨初收翠靄濃此番二十四番風忽驚春暮翻爲
雪乃是楊花飛滿空

落紅庭院綠池塘語燕啼鶯亦可傷霽柳吹花春已
老暝槐成幄日初長

舟中晚眺

小立船倉揭起篷晚來帆幅飽西風望他鴻鴈一雙
去過了峯巒千萬重
不成無語立江濱事事堪吟句句新白鷺前身真釣
叟青山今日是詩人

江上散縱

欲曉江頭杖策徐一峯西去衆峯趨不知林裏猶僧
寺少立忽聞敲木魚

話舊

風露三更月一簾共君握手不能厭酒盃滿泛榴花

色燭焰斜抽柳葉尖

夏日遣興

枕簟來尋瓜李盟銀床金井已關情牡丹芍藥成前
輩茉莉素馨方後生

素馨藥點粉描筆紅藕花開金鍍杯乳燕新蟬相對
語詩人何日不亭臺

四壁青山翠打圍詩人坐久澹忘心歸橋邊荷葉歌頭
立水底蜻蜓仰面飛

聞子規

二十年前怯杜鵑枕邊時把淚珠彈如今老眼應無
淚一任聲聲到月殘

問子規

綠柳陰中問子規勸人歸是勸春歸人須回首春須
暮何不成都西去飛

成都一作青城

潤夫飯僧景泰相欵信宿告歸

夢中也學雲峯路未老來游蒲澗山無數老僧閑道
士笑人騎馬出松關

送鄭道人歸羅浮

白玉蟾集卷五
鐵作橋梁雲作蓋石成樓觀水成簾歸時猿鶴煩傳
語記取前回白玉蟾

贈徐鍾頭

樓上踈鍾撞月明五雲影裏一聲聲九天星宿皆朝
斗人世曉雞渾未鳴

問春

不教蜂蝶畧來此豈是春神病酒耶燕語鶯啼今幾
日風魔雨難許多花

舟行

梢子歡呼御曉風詩人亦自起推蓬數來數去山都
亂忘却前峯與後峯

秋園夕眺

木犀侷儻散麩金松舉笙竽竹奏琴臨水芙蓉自見
女鏡邊刺繡晚沉吟

夏夜露坐

披襟岸幘藕花橋一片哀鴻度碧空新月出來真解
事嫩蟬吟得自無聊

春宵酌雨

自玉蟾集卷五
更無半點海棠飛一聽黃鶯雨裏啼啼得碧壇紅藥
破淡煙芳草蒲長堤

嘲杜鵑

杜宇聲聲蓋自嗟春殘何事更天涯不歸則是歸還
是伊是無家或有家

曉巡北圃七絕

隔水人家似畫圖髮邊香露綴成珠日高丈五雲猶
宿烏鵲已歸三哺雛

柳色花光映曉雲半窓紅日已東昇行人隔水自相
語無數鶯啼聞不曾

蜂蝶如知春欲歸雨餘鶯亦縷金衣東風盡把楊花
剪吹作滿城輕雪飛

池邊弄水手猶冰藕臂風寒更粟生柳葉春深槐葉
淺桃花夜暗李花明

非雲爲侶更無人獨倚雕墻詩思冥日色淡紅煙色
紫山光濃綠水光青

雨餘花點滿紅橋柳雪粘泥夜不消曉霧忽無還忽
有春山如近又如遙

白三物集卷五
游人脚踏杏花泥花片吹風點綺衣為復殘春催杜
宇是他杜宇喚春歸

水村吟霧

淡處還濃綠處青江風吹作雨毛腥起從水面縈層
嶂恍似簾中見畫屏

巖下聞鷓

行繞松林不見鷓只疑山後噪杳杳更移數步俄回
首縮胆蹲身立樹丫

枯松

霜鱗雪爪一枯松恍似湖心見白龍想得呂仙曾點
化擎雲攫霧欲騰空

示英州風僧

宗門老衲舊儀刑配字年來老轉青誰道南能無一
物如今英石盡銅腥

江亭夜坐

月冷松寒露滿襟天容紺碧鶴聲沉夜深獨把欄干
拍只有長江識此心

東山道院

白玉坡集卷五
煙月荒涼野色寒松梢滴露夜將闌人家曠絕無雞犬一鶴飛來點翠山

暮色

江煙漠漠月昏昏一點漁燈貼岸根風攪長蘆鷓睡起游鱗蕩動水花痕

牛渡問舟

歲晚行人苦欲分山昏水暮鳥尋羣舟行棹進空回首一望蒼梧但白雲

泊頭場劉家壁

春深空度可憐宵江岸風沙好寂寥人問孤舟多少恨五更寒雨報芭蕉

羅浮山上過鐵橋

飛雲頂下見羅浮五色玲瓏繞石樓行過鐵橋猿嘯罷稚川丹竈冷颼颼

繪蓮

筆底荷花水面浮纖毫造化奪工夫爲誰畫出生綃上泰華山頭玉井圖
濃淡色中勻粉膩淺深痕上著臙脂華堂展處南薰

起一似西湖六月時

劍池

人間無處著青蛇池水清冷浸落花幾度清風明月
夜悵然無語憶張華

九曲雜詠

流水光中飛落葉白雲影裏噪幽禽人間幾度曾孫
老只有青山無古今

一曲昇真洞

得得來尋仙子家昇真洞口正蜂衙一溪春水漾寒

碧流出紅桃幾片花

二曲玉女峰

插花臨水一奇峰玉骨冰肌處女容烟袂霞衣春帶

雨雲鬟霧鬢曉梳風

三曲仙機巖

織就霓裳御冷風玉梭隨手化成龍天孫歸去星河

畔滿洞白雲機杼空

四曲金雞巖

水滿寒潭潭著月山藏空谷正吞烟金雞初報洞中

白王集卷五
三三
曉啣啞一聲飛上天

五曲鐵笛亭

滿天沆瀣起清風
白鶴飛來上翠松
月冷山空吹鐵笛
一聲喚起玉淵龍

六曲仙掌峰

仙子捫蘿上翠崖
巖頭舊有煉丹臺
至今石上留仙掌
十指春葱漬綠苔

七曲石塘寺

高僧叅透趙州禪
拔寺移歸地率天
天聖二年四月

朔一宵雷雨撼山川

八曲鼓樓巖

萬丈高巖聳石樓
雲羣烟楠瞰寒流
幔亭昔聚曾孫宴
石鼓擎歸古渡頭

九曲新村市

落日移舟上碧灘
桃花林外見青山
耳邊忽爾聞雞犬
不遇劉郎不肯還

九曲權歌十首

武夷

三十六峰真絕竒一溪九曲碧漣漪白雲遮眼不知
處誰道神仙在武夷

一曲

幔亭峰下泛仙船洞口瓊花鎖翠烟一自魏王歸絳
闕至今哀怨嶺頭猿

二曲

山下于今幾代孫當時簫鼓寂無聞丹爐復爾生春
草玉女峰前空白雲

三曲

仙舟停棹架巖頭黃鶴歸天今幾秋滿洞桃花人不
見一溪綠水爲誰流

四曲

萬頃秋光無著處滿潭清水瑩青銅金雞叫落山頭
月淡淡寒烟颯颯風

五曲

聞道誰知鐵笛聲石崖轟裂老龍驚當年人已服丹
去千古荒亭秋草生

六曲

白玉蟾集卷五
仙掌峰前仙子家客來活火煮新茶主人搖指青烟
裏瀑布懸崖剪雪花

七曲

寂寂秋烟鎖碧灣往年此地有禪閑水神移入龍宮
去一夜風雷吼萬山

八曲

幾點沙鷗泛碧流蘆花兩岸暮雲愁鼓樓岩下一聲
笛驚落梧桐飛起秋

九曲

山市晴嵐天打圍一村雞犬正殘暉稻田高下如棋
局幾點鷓鴣飛與鷺飛

華陽吟二十二首

家在瓊崖萬里遙此身來往似孤舟夜來夢趁西風
去目斷家山空淚流
海南一片水雲天望眼生花已十年忽一二時回首
處西風夕照咽悲蟬
白雲和我到天台眼入青山意豁開到彼山中結茆
屋空餘千古夜猿哀

拄杖隨身入武夷幔亭峰下雪花飛行從九曲山頭
看萬壑千巖翠打圍

武夷結草二年餘花咲鶯啼春一壺流水下山人出
洞巖前空有煉丹爐

得訣歸來試煉看龍爭虎鬪片時間九華天上人知
得一夜風雷撼萬山

白馬江頭咲一聲紅光紫霧水中生急抽匣內青蛇
劍攪得黃河徹底清

移將北斗過南辰兩手雙擎日月輪飛赴崑崙山上
去須更化作一天雲

戲泛金船到海涯暗隨海水度流沙一從登著蓬萊
岸去看瓊臺閬苑花

人身自有一蓬萊十二層樓白玉階姹女金翁常宴
會堂前夜夜牡丹開

恠事教人咲幾迴男兒今也會懷胎自家精血自交
媾身裏夫妻真妙哉

一吟一醉一刀圭真炁真精滿四肢若到酒酣眠熟
後滿船載寶過曹溪

元神夜夜宿丹田雲滿黃庭月滿天兩箇鴛鴦浮綠
水水心一朵紫金蓮

饑餐一兩黑龜肝寒向丹田猛火山但見心頭無點
事不知人世有饑寒

青牛人去幾多年此道分明在目前願識目前真的
處一堂風冷月嬋娟

片餉工夫煉汞鉛一爐猛火夜燒天忽然神水落金
井打合靈砂月樣圓

一泓神水滿華池夜夜池邊白雪飛雪裏有人擒王
鬼趕教明月上寒枝

不動絲毫過玉關關頭自有玉京山能於山上通來
徃風攪九天霜雪寒

誰識週天造化工于今處在片時中只將鉛汞入真
土煉出金花滿鼎紅

昨夜三更雷撼山九天門戶不曾關曹溪路上分明
見有箇金烏入廣寒

烝蓋山河心膽產不能學劍不搜書夜來掇得乾坤
動火候温温守玉爐

白玉蟬集卷五
三六
拈弄溪山詩伎巧吐吞風月酒神通且將詩酒瞞人
眼出入紅塵過幾冬

贈詩仙

學詩有似學仙難煉句難於學煉丹換骨脫胎君有
訣炷香特特扣詩壇

題光孝觀

偶然騎鶴去游仙來訪泉山古洞天一劍當空又飛
去碧潭驚起老龍眠

贈藍琴士 三首

江湖見說老藍公今日相逢在玉隆竹樣精神梅樣
骨况君梅竹在胸中

逍遙閣下暮烟生相對無言坐復行彈盡胡笳十八
拍床頭劍吼月三更

夜來莫說西山冷見說廬山夏有冰直恐與君相別
後錯聽猿嘯作琴聲

清靜經

大地山河一卷經拈來題目甚分明山花野草皆談
說蠢動含靈側耳聽

招賢道士

解鞍默默對斜暉無限詩懷在翠微
一句秋鴻來入耳兩行客淚下霜衣

秋思

滴盡池荷無奈雨吹翻井葉可憐風
溪毛山骨猶無恙尚有蘆花對蓼紅

徐仙

崇安縣黃連坑

採樵有遇纔三日歸路還家已十年
自古得仙非苦節此坑安得號黃連

憶西湖

銀月窺人夜漏沉斷蒲疎柳忽關心
西風為報西湖道留取芙蓉供醉吟

問花

驀地詩心到海棠問花開未曉來忙
村童熟睡不知喚惟有流鶯語似簧

梅花醉夢

紙帳梅花醉夢間了無它想鼻雷鼾
鴛鴦愁鳳恨不入枕睡覺身疑在廣寒

栢子家風

山居剩得靜乾坤竹鼎時將栢子温會似趙州參得
透等閑莫與俗夫論

首夏 三首

懶中倍覺我神清煩惱如今葉似輕青士庭前銷晝
暑蒼官枕上送秋聲

日與浮雲相往還落花啼鳥總相關初無東觀北門
夢只在西山南浦間

滿目晴巒總是詩詩情飛絮逐遊絲雨肥碧澗落花

水風瘦青松啼鳥枝

與永興觀主梅

破袖懸鶉鬢髮蒼山前山後樂相羊三更月影如酥
白一樹梅花似雪香

玉艷冰英絕可憐卽之時復一嫣然始蘇日暮逢西
子采石江明見謫仙

春詞

春光若海渺無邊日暮歸來泛玉船紅釀海棠紅似
雪翠嬌楊柳暗如烟

千紅萬紫競繁華
鶯燕多依富貴家
上巳蘭亭修禊
事一年春色又楊花

瘦沈皤潘莫自匆
花邊有酒且從容
春三二月東風
裏鶯百千聲翠柳中

柳困花慵風力輕
脫禪衣袂過清明
喚晴喚雨鳩無
準飛去飛來燕有情

旦上禪衣試綠羅
情知春暮亦無何
風吹一架荼蘼
雪酒惡頻將玉藥挪

晴簾暖幕咲如烘
春事還歸縹緲中
紅藥一枝寒食
過東風萬點海棠空

春色將窮詩未窮
開樽姑爲慰東風
偶然行到青苔
上尚有殘英一片紅

祈雨伏虎菴

梵相無言旱氣吞
三農無飯欲蒸沙
後頭香穗成禾
穗塵尾天花化雨霏花

冬夕酌月

半規新月滑如酥
流入清樽一吸無
明日定知廣寒
殿姮娥失却水晶梳

鬼冷蟾寒桂影疎化為霜露瀉庭除已驚栢液冰吾
齒莫弄梅花粟爾膚

二毛可惜雪霜侵日有清都絳闕心枝冷鵲翻簷外
影庭空鴻墮月自遶音

贈明講師

昔從師在月巖時我過鵝湖卽語離每見孤鴻每生
感不曾一日不相思

豈謂東吳得再逢二俱老盡少時容來從上國鶯花
裏墮在朝川圖畫中

雪中

朔風吹冷裂窓紗重把羅幃繡幕遮青女先將霜起
早素娥始放雪飛花

曉來紅日尚羞明四外形雲欲詐晴一夜九天開玉
闕六花萬里散瑤英

飛廉騰六逞寒威費酒陪詩為解願雪待夜深飛落
盡梅噴風惡放開遲

龍虎山祈雨早行有作

兩三條電復無雨六七點星微上雲鞭起卧龍我騎

去揮戈叱問五雷君

題棲鳳亭

亭前綠密玉成叢
鳳宿枝頭烟雨空
簫管一聲人未寢
滿林明月浸清風
竹也多年管風月
鳳兮幾夜宿雲烟
林間有客吹簫去
竹化成龍鳳入天

潘氏亭前飲一宵
酒酣對竹嘯瓊簫
不知棲鳳來多少
鳳去人歸竹寂寥

聲傳琴瑟風生枕
影瀉琅玕月滿庭
白鳳飛來枝外

宿夜深點破一林青

梅花有嘆

蒼苔玉艷委西施
玉膽冰姿尚伯夷
春色一般清濁異
梅花亦自有安危

中秋月

千崖爽氣已平分
萬里青天輾玉輪
好向錢塘江上望
相逢都是廣寒人

卧雲

滿室天香仙子家
一琴一劍一杯茶
羽衣常帶煙霞

白玉坡集卷五
四十四
色不惹人間桃李花

題客省

煉就紅鉛不計斤五湖四海十餘春今朝杖屨廬山
下雨笠烟蓑一箇身

洞前亭

洞前春水漾桃溪洞後數聲青鳥啼二十四巖風雨
夜神仙過此話刀圭

送林古虛歸閩

名落江湖二十春江湖那個是知音于今拄杖挑明

月雲滿千山何處尋

和劉司門韻題臨溪亭

臨水緜然兩鬢絲山烟凝翠入鶉衣橫吹鐵笛且歸
去懶把漁竿立鮮磯

黃仙菴字謎

青紅白黑欠中央聞道西人已大方二十一人田丁
電阿誰訪之詹仲皇

登愛閣有感

五六年前彭覺非同客愛閣荒荷池如今再到還重

省十二闌干謾雨絲

琴

夜靜無雲月似銀青宵鶴唳一傷神子期玉骨寒於雪世上知音能幾人

天窓

屋頭除却數條椽政好臨風對月眠行客只從門外過豈知屋裏有青天

七臺山

六月泉聲帶雨寒斜陽染出淡紅山白雲無恙青楓

老不見龔劉振錫錄

春風

一一鬚梢一霧珠曉來雨意尚躊躇落花也避東風惡水面相驅鞦韆向隅

燕燕子飛引蝶狂嬌鶯歌懶吟蜂忙庭前萱草臺前竹也學春風舞綠楊

底事東風苦欲寒不教詩客縱游觀無端虛把鞦韆送落盡梨花似雪團

遠草將人雙眼行飛花誤蝶乞流鶯更饒一夜東風

白王蟬集卷五
劣且博三朝五日晴

觀物

蜂占薔薇封食邑
蟻侵螺贏借軍須
雨天風急鳩呼婦
水國烟寒鴈喚奴

曉鷺守溪圖口腹
暮蛛借屋計家生
不羈野馬空中騁
無喘蝸牛壁上耕

荷池追涼

清曉無人知此涼
岸巾植杖立銀塘
晴霞燒眼收將歛
荷葉生風綠水香

舟程苦遲

水馬輕便勝陸行
衝風遡水及多程
溪流詰曲成千摺
雲色陰晴沒十成

曉醒追思夜來句

孤夢歸從偃月城
清寒入骨倚危亭
雪花散作楊花片
酒色酤來竹葉青

茆屋蕭然詩滿懷
一天風雪白皚皚
身如紙帳梅花夢
心似香爐柏子灰

孤雲野鶴寄山家
不料寒空璨六花
越樣月明渾不

白雲集卷五
夜箇般天氣好分茶
竹林如洗靜娟娟雪意猶酣曉色鮮雲纏山腰腰帶
緩雨沾水面面花圓

立馬待舟

拂曉匆匆馬首東嫩寒初破酒無功自知霧帽清珠
濕少立霜橋脆玉鬆

又眺風泉亭

風泉亭霽光涵空爽氣在野岡嶺伏躍烟嵐飛浮
風吹雲來自送鳥去歛爾神會恍如天游幽泉琮

爭不能自己於是乎詩

苒苒斜陽戀竹邊秋陰慘昧響寒泉如何今夜成無
月却遣西風一問天

拄杖相尋訪夕陽詩肩獨聳到昏黃白蘋洲上西風
起黃葉聲中秋意長

西風黃葉夕陽村山水蒼寒霧靄昏手撚菊花都是
淚枯松骨立綠毛鬣

鳳簫閣翫月

一醉高寒清到骨四無塵滓月當空光芒萬里今猶

昔年落十年西復東

暮靄收無歸鳥盡鳳簫閣上聽松濤宿枝不穩鷓飛
起照水當中月上高

畫閣巋然百尺危吹來花片點春衣黃昏壁月溪心
浴白晝銀盤水面飛

鳳簫吹斷無人見但有寒光拂太虛仰面唉天天亦
唉此心如月月何如

栩菴同步偶成

枯木冷灰甘寂寞片雲孤月自優游君生平事皆如

夢我兩眉間不著愁

同鄧孤舟林片雪二友晚吟

扁舟如葉片帆孤少霽臨江得句無雨竹似人扶酒
病風松學我撚吟鬚

君非愛此數峰青肯戀扁舟尚蓼汀群鴈橫空成一
字孤螢度水似雙星

江天漠漠但黃蘆鴈鴛相呼日已晡雨過月如金趙
壁烟深山似給秦圖

上元翫燈

白王妙集卷五
碧玉融成萬里天
滿城羅綺競春妍
柳梢掛月黃昏
後夜市張燈白晝然

上界天官此按行
五雲深處有簫笙
一輪寶月明如
晝萬斛金蓮開滿城

寄王察院

不讀儒書讀道書
故人聽我自江湖
君今一武登臺
省我亦三清直殿廬

恩怨榮污總不知
片雲隻鶴久相期
驅磨花月三千

斷送風波十二時

黃金臺迥鴛鴻集
碧玉壺深日月長
大隱從來在朝
市謫仙况復富文章

新正

九天日月開黃道
十洞烟霞接紫清
為問蟠桃當熟
未人間春草幾枯榮

九重天上星三點
萬項波心月一鉤
醉有百篇來筆
下愁無半點到眉頭

一番桃李又春風
送古迎今事不窮
南北故人鴻去
外東西野渡雪晴中

張樓

前度相逢一似曾瘦寬金鐲可憐生綠窓朱戶如無
恙酌我百杯秋月明

中秋

風卷青天落大江江風江水自春撞萬千人看中秋
月十二樓開八面窓

董樓

文章道德今誰似事業功名我不無十載江湖一杯
酒夜深說與董歸奴

對月

深秋荷敗柳枯時霜蟹香棖副所思月要人窺嬌不
上風知我醉放多吹

醉袖舞低千嶂月清歌遏住九天雲鴻歸燕去傷秋
老鶴唳猿啼覺夜分

烟簾雨颺到今朝嫩火温香破寂寥月下飲殘千日
酒雲間吹斷一聲簫

水澄熊白成壺酒楓木猩紅滿路旗坐待西風迎素
月青天咲我獨詩癡

白王坡集卷五
五十一
早已碁中悟死生不須鬚上看勲名風吹酒面秋情
眇月透詩腸夜未清

山似愁眉烟畫翠月如醉眼暈生紅鶴雛踏碎芙蓉
影酒思詩情渺碧空

易道錄招飲

竹風不斷涼如水山雨無聲細似塵世事總歸簪上
雪人生聊寄甕頭春

詩酒交游如骨肉江湖聚散似雲萍已煩鶴唳供頭
盞且借嵐光作畫屏

素白見招真慷慨蒼黃欲赴又趑趄命存一定百年
見事要十全千古無

詩疵得似維摩病酒聖能如孟子醇何事多時疏杖
屨亦綠避俗屏冠巾

名於瑚璉斯爲貴身與鴻毛孰較輕詩社近來多筆
塚醉鄉何處得愁城

夏日睡起

圓玉響中銷日永鏗金徽外作風悲萬蟻戰酣山雨
至饑腸雷動且吟詩

谷簾下

紫巖素瀑展長霓草木幽
小霧雨凄竹裏一蟬聞竹
外溪東雙鷺過溪西
步入青紅紫翠間仙翁朝
十有遺壇竹梢露重書猶
濕松裏雲深夏亦寒

棲真觀

鞭雷斬孽震南昌拔宅昇天謁玉皇
西嶺雙楓南瀑布自言曾識許旌陽

感興

又見荷開滿故園夙紅昨紫儼然存
畫梁飛燕前身趙曲檻歌鶯阿姊樊
酒興詩狂似蝶蜂終朝上下逐東風
梁間燕共何人語庭下花無百日紅

夜坐憶劉玉淵

多多瀉酒愁無况久久吟詩淡有情
花作雪飛深一寸月隨雲上恰三更
夜已三更忽坐忘吟魂醉魄政悠揚
孤鴻見召聽寒角殘月相辭過粉墻

白玉蟬集卷五
五十三
冰枯雪老尚天台使我詩腸日九回歸去來今須歲
暮歲去暮矣不歸來

蟋蟀二首

白髮秋來又幾莖萍蓬湖海困平生三更窗外芭蕉
影九月床頭蟋蟀聲

秋暮何聊飲不多素空皓月舞傴僂也知落葉風前
拍似應寒蛩砌下歌

贈觀菴主

躡鴟味美還師獨榻拙烟青喜我同拄杖出門誰會

得松梢浩浩嘯天風

湘江遇雨

騷人載酒泛瀟湘預約寒鷗立岸旁雨點斷蓬休作
梗浪聲與枕始相忘

冥鴻閣卽事

臘雪飛如真腦子水仙開似小蓮花睡雲正美俄驚
起且喚詩僧與鬪茶

雪白霞紅雲色黃晚風先辨曉來霜吹開一路江梅
藥薰作九天沉水香

瑞香蓓蕾破寒晴稚子呼爲紫素馨萬斛幽香量不
盡霜風吹送暮天青

夜飲青蓮居士家高吟大笑對梅花覆杯自喜更壽
緩醉墨偏隨燭影斜

董雙成舊隱

斷霞殘雨洗虹橋群鴈嘶枚度碧霄半夜風鳴雲裏
珮乘鸞人弄月中簫

月戀梅窓呈水墨風依竹檻奏笙竽金幡玉勝無從
見尚想雲間唱步虛

安仁縣問宿

幕燕翻雷天作雲一聲歸鳥萬林昏荒城寂寞無堪
酒燈下捲頰雨打門

孤凝

筠皮月靜鋪金屑仙掌雲寒砌玉花人在華胥初夢
斷亂山滿目一聲鷓鴣

洞虛堂

青牛人去幾千年此道分明在眼前要識箇中端的
意一堂風冷月嬋娟

白雲集卷五
五十五
贈沙書先生

生蛇滿地走如飛入石三分未是奇
掇取恒河歸掌握毫毛不動始知機

陶弓手棄役入道

青黑文身志氣豪生擒六賊脫塵勞
當年尚有彎弓手射殺三尸入大羅

山居

松竹成林雲氣深洞門風冷綠苔陰
落花飛盡青山在幽鳥聲中野客心

楮衾滴破松梢露草屨淘穿石縫泉
猿在嶺頭聲未斷道人月下伴雲眠

一片幽心卧紫霞松稍凝翠夕陽斜
尚無心緒聽啼鳥那有工夫掃落花

竹風瑟瑟野猿號月下酣眠不脫蓑
恐致丹爐傷白蟻懶燒松燭惜飛蛾

天靜無塵夜半時鵲烏啼罷衆星稀
數峰明月光無盡一洞閑雲淡不飛

卽事君子堂

墻頭榴火正燒空
風削蒼雲作數峰
避葉荷花如避暑
病香愁態若爲容

南薰喚起蓮花悟
西照催歸燕子忙
自洗霜刀來切藕
傳君嚼玉嚙冰方

招風竹下涼生扇
弄水荷邊香滿衫
自拾落花揩面汗
喚將紅白酒相攬

枝頭尚有爛黃梅
次第荷花白者開
庭雀被人驚得慣
作群飛去又飛回

自點雌黃改自詩
芾衣不著著蕉衣
前山何故枯松上
半月巢空鶴不歸

雙谿館

兩點文章翰墨星
夜翔雙鶴入青冥
樓前爲憶張華劍
八百年來無血腥

書懷

一春十病九因酒
三月都無兩日晴
明日且乘驢芳草
路綠楊深處聽啼鶯

山色未教晴日染
松聲時聽晚風梳
韶光九十去無幾
春雨春烟鎖翠蕪

奉酬臞菴李侍郎 并序

愚嘗爲觀使待制侍郎鳴珂枌社觴詠自娛游雲
宿簷竒峰走案心融目悟與物爲春動容周旋義
眇左右自非服雲漿吸月液者不能爾也方茲霜
醉雪嬌酥羶玉笑蜂聞露葉雀捨風英發爲聲詩
五雲絢目豈山野之所宜蒙義暖情香詞珍翰綺
得之如嚼玉餐香於玉山之前矣勉強次韻聊以
解頤學伯夷者未得其清先得其隘學柳下惠者
未得其和先得其不恭蠻語侏離然雖續貂其殆

類狗者也

坐對梅花撚白鬚吟邊有酒不須酤松怨昨夜冰生
硯凍合銀床讀易朱

南枝纔放兩三花雪裏吹香弄粉些淡淡着烟濃着
月深深籠水淺籠沙

全是山林居士風不知位重更官穿名書玉几金甌
內心在蒲團紙帳中

滿月世界琉璃光通宵不寐據胡床語言玉潤篇篇
錦心膽水清字字香

白王集卷五
酒紅沁面暈成霞笑然吟髭數暮鷓不入朝廷鴛鴦
侶自甘白髮插梅花

見鶯

夜來新長水三尺雨過橫流春一溪翠柳顰眉花閣
淚乳鶯空對婦媪啼

鮮怡寡樂負清明簾外花如紅淚傾又是殘春將立
夏如何到處不啼鶯

一鶯飛去一鶯啼桃李一空春已歸踏破蒼苔殊可
惜坐看流水拽斜暉

幽居雜興

岸花洗面初收雨江草搖頭已怯風獨立無聊聊送
目西邊落日叫孤鴻

陽春有脚三杯酒野戰無譁一局棋見說王門堪炙
手抱猿弄鶴不曾知

月來佐酒如隨牒花自從詩各寄名盡把煙霞歸節
制閑中排日聽泉聲

流憇

蒼崖萬仞倚空寒一道飛泉瀉半山到此倚欄聊植

杖少時款款入松關

洞明軒

夜坐幽堂聽玉泉松號風吼不成眠蒲團裏面真消
息猿叫千山月正圓

元旦在鶴林偶作

東風吹散柳梢雪一夜挽回天下春從此陽春應有
脚百花富貴早精神

酬顏宣教

柳梢黃鳥韻綿蠻風雨將春暗鎖關鎮日吟詩無好
句坐看乳燕語梁間

螺青山下皆地錦花

螺青山縮青螺髻地錦花鋪錦地衣雨過花嬌山色
舊疑山解舞欲狂飛

許天游見過

蟬外西風風外葉鴈邊落日日邊雲詩仙世界無疆
場一片青山共子分

江口有懷

霜將楓綠染為紅風把蘆花縷作茸雲自幕天誰釘

白玉蟠集卷五
掛月來佐酒與從容

丹楓偷落風無覺白鷺微行魚不知
兩地南樓今夜月一般清皎百般思

飛行

飛行三十六天門我是東華上相孫
戲把蟠桃刻出核王童持去種崑崙

劍光長咲古劉家不斬流星只斬蛇
縱得歷年三四百蟠桃猶自未開花

龍潭

尖峰簇簇穿林笋曲徑盤盤繞樹藤
中有古潭深萬丈老龍獨卧似禪僧

驚崖却立挨斜日老檜前臨接斷烟
水鳥負暄閑整翼山禽相賀已晴天

雙蓮

一池蓮蒼漾紅霞並蒂雙花足賞嗟
醉面相看誰得似三郎夜飲王真家

傷春詞寄紫元

幽人抱膝掩柴門八九漁家烟水村
坐對青山兩無

語春風春雨送黃昏

幽人何事苦傷春
春雨無端愁殺人
不但幽人獨愁怨
江頭多少柳眉顰

孤村古館雨淒淒
客裏愁聞烏夜啼
枕冷衾寒纔閉目
春風吹轉夢魂迷

望眼生花淚已枯
青衣也合遞歸書
客情無柰春風雨
更問春空有鴈無

次韻永興王宰游鍾成觀

萬斛蒼烟戀釣磯
一川秋綠漾清暉
空明隱映流光

薄翻憶當年蘇紫微

眼力招回西去山
風蘋烟蓼白鷗閑
歸舟滿載斜陽返
款乃一聲空翠間

霜夕吟月

神飄骨竦影悠揚
獨燃吟鬚惱醉腸
霜月慰人於冷寞
溪梅挑我以清香

吟魂縹渺邁霜空
立影惘然翠閣東
素喜半鈎西面月生
憎一箭北頭風

月夕書事

月夕書事

白土塘集卷五
悲秋念遠夜將闌黃葉乘風直斬開微白一鉤天外
月淡青數點海邊山

疑潮

卧聞雨吼是潮奔直恐橫舟墮海門
几百可疑多若此萬今千古共誰論

落梅

惆悵風前問落梅既開不久底須開
芳心未忍輕離折更遣殘香度水來

贈何畫梅

一枝照夜向清寒恍似孤山跛馬看
却恐春風咎毛賴泄他消息貌他顏

舟次吉溪

十年三過吉溪灘想被溪梅笑往還
塵暗壁間題跡舊滿斟杯酒慰寒山

送晉上人游鴈蕩

嶺外猿啼秋樹月林間鶴唳曉松風
此行鴈蕩須參透依舊歸來玉几峰

寄青梅

青梅如豆試嘗新脆核虛中未有仁
勘破收香藏白處冰肌玉骨是前身

荷花

小橋劃水剪荷花兩岸西風暈晚霞
恍似瑤池初宴罷萬妃醉臉沁鉛華

春雨

柳色烟光正鬪青桃花落盡杏花驚
風從窓眼空中入雨在簷前滴到明

春興

草根未放曉霜稀驟冷初暄蝶倦飛行到
碧桃花下看新花良是舊枝非
未收鹽櫛且看雲空翠濛濛霽色分
日線穿窓蜂透出隔窓花影動欣欣

茜草葉交萱草葉桃花枝映李花枝
餽風餽雨休相惱放我水邊林下嬉

曉日濛濛吐霧東風從臆水生波燕纔
邂逅鶯相款花自將迎蝶見過

細雨如毛暮靄濃山光水色醉春空
認來認去燕還

自玉蝴蝶集卷五
舍吹落吹開花使風

望中白鳥入空無一帶青山似畫圖宿雨初醒雲半

歛垂楊微困水平鋪

嬌烟嫩靄弄晴暉誰見詩人太息時風主庭前花壽

天水占溪上柳安危

晚春遣興二絕

不但風饕雨更尤落英滿地訴春愁時人分韻留春

處一句韓詩七箇闌

臨臨春去却成晴花落無聲片片輕一句杜鵑香國

淚半簾皓月故人情

春夕與西林老月下坐

燕子呢喃君得知深談實相妙難思久參貝葉云何

梵一見桃花更不疑

一物言無也大奇如何半夜却傳衣於知見處生知

見在是非中起是非

竹園

可惜洋州不再生此君只許伯夷清霜刪近覺林方

瘦筍礙渾無路得行

白王蚡集卷五
一片琅玕香淨天風吹細細雨娟娟龍孫始學斑衣
戲鷺子從談王版禪
自咲園丁職事新一春風雨爲供申笋如滕薛皆爭
長瓜似朱陳已結親

菜羹

一卷仙家煮菜經宰夫失笑太官驚藍田山裏空餐
玉豈識聞韶別是清

扇

懷袖相忘去不能也知輕薄惡蚊蠅南風雖汝持權

柄只恐秋風見汝憎

山歌

桐峯悟道
書示同參

幾家娘子守黃昏多少郎君醉打門睡了不知明月
好三更三點似金盆

與趙將軍

見君除授千牛貴過眼光榮一蠓微人爵未如天爵
美脂韋只道布韋非

醉頭一月不曾梳共整扁舟又太湖昔日舞雩多一
唯他人陋巷只如愚

芒鞋布襪與青藜朝市迷心忽幾時料得山中猿鶴
冷多應相怨不相思

瑤臺散天花詞

夜半冷然御八風下觀四海氣濛濛舉頭忽已三更
上上有瓊樓十二重

諸天綵女一雙雙十二樓前並捧香太乙真人乘白
鶴雲中端簡候虛皇

翠幢絳節忽紛紛空裏笙簫節奏聞碧玉宮中花似
雪蕊珠殿下鶴如雲

竹裏桃花

風吹雨洗玉猗猗雲捲霞舒錦陸離竹夾桃花花映
竹雅如翠障綉西施

水糲

火宅煎熬不自由就中滂漉幾沉浮翻身得入清涼
國也合甘心喫水休

烟中梅花

烟裏梅花別是清略無風動亦寒馨如焚古鼎龍涎
餅坐對幽窓水墨屏

湖上偶成

葭蒲滿蕩起晴烟總屬霜鷗雪鷺天一片紫菱開十
字中間放過采蓮船
湖天清曠萬緣虛暫借僧房作室予夢覺風涼歸去
晚滿空飛翠撲籃輿

睡起

清似垂竿釣楚江酒兵已退睡魔降霜風吹破梅花
曉霧月飛浮竹影窓

次韻王御帶

曉風吹醒桃花醉暮雨添成柳葉愁醉了又愁愁又
醉鶯前燕燭過春休

徐處士寫予真

心潛天地笑藏春月珮雲衿絕一塵前世率陀天上
客今生大宋國中身

次員曾丈探梅

夜半風吹雪滿堦頭巾不裹把窓開南枝暗就江頭
發一點香從月下來

紅梅

白雲集卷五
明皇愛雪響雲營侍宴宮娃不計名守等太真眠未
起醺然秉燭到深更

玉妃初醉下瑤臺紫霧深深撥不開却恐錯穿桃杏
徑高燒銀燭照歸來

題武夷

五首

不見虹橋接幔亭空餘水綠與山青客來別出此奇
勝五曲溪頭大隱屏

龍驤仙掌岩頭水鶴唳幔亭峰上雲但得明窓塵一
七躍身去謁武夷君

芳草暗分流水綠老松剛借遠山青獨拈鐵笛溪頭
立吹與洞中仙子聽

顯道真人去不回幔亭不見舊樓臺曾孫倚着寒松
立日落風悲徠自哀

山聳千層青翡翠溪流萬頃碧琉璃遊人來此醉歸
去幾箇親曾到武夷

二五二

海瓊王蟾先生文集卷第六

南極老人懼仙重編

山陰

何繼高

新安

汪軫行全校

劉懋賢

聯句

盱江舟中聯句 嘉定癸未仲秋之朔借黃

天谷道盱而淪舟中聯句

倏忽僮千鬼尋常涸百蠹白眼光摩日月足跡遍山

河黃赤壁聊化鶴黃庭浪換鵝白秋聲歸款乃雲影

映婆婆黃夜後調焦尾風前舞太阿白待藏班婕妤

却援魯陽戈黃點爾言其志虞兮柰若何白道綠寧

擇地世事總隨波黃萬象由彈壓千篇在切磋白酒

徒從狎至詩客聽相過黃較我苦不借就伊金叵羅

白峯巔餐地秀霞外挹天和黃拍手傲傲舞忘形踏

踏歌白力辭金殿客高應玉皇科黃八桂招六逸九

疑哀兩娥白清漪馴綠鴨列阜拊眠馳黃逸韻應無

敵清名到不毛白樵仙分我席力士汗吾鞞黃風沈

腰何束霜滿鬢謾瞞白懷丹醫病鶴尋餌釣神鼈黃

為問六國印何如一漁叢白清飈茶腋爽韶景醉顏

酡黃且噉藕如臂從教畧似梭白推蓬延月桂引襟

翫煙蘿黃君已人登泰辭皆水導嶠白藥官清縹緲

雲闕鬱差峩黃未到桑田變疑將銅狄摩白誰知天

不管敢謂世無魔黃觴政驩無忤騷壇今太苛白玄

譚時膾炙傑句肆吟哦黃大道真溟滓浮生但刹那

白玉天還有認應是典風騷黃

南臺舟句

秋陽紅若柿曉雨翠如絲白福地逢迎日江天笑傲

時黃蓮臙猶帶水桂粟已粘枝白波靜天一色山低
雲四垂黃垂綸懷渭叟縱棹擬鴟夷白上水遲吾樂
西風壯我詩黃

踈山舟中聯句

山影卧寒碧波光搖虛空白權凌千頃月帆鼓一天
風黃列岸萬絲柳遙岑數粒松詩魂混鴈鶩草聖驚
魚龍白夢斷江樓笛吟餘煙寺鍾電華飛我劍虹暈
掛吾弓黃清嘯騎汗漫朗吟泛冥濛白誰云澤國小
樂亦在其中黃

泊舟浮石寺前有善士百餘輩拜迎因聯句

于水濱民居之壁

三百六旬周復始二十四巖高且寒白法乳試流鋒
上蜜詩腸畧露管中班黃山山日脚黃金軟片片梅
心白雪乾白遙拍煙霄呼縞鶴一聲清嘯水雲閑黃
冬日同王茂翁聯句

鑿冰添硯水白燃榦發梅花王踏破霜苔逕白燒紅
雪樹槎王閉門風愈怒白送客日將斜王寒甚酒無
力白閑多道有芽王楮衾眠不暖白韋壁破難遮王

他日瑤臺上白流傳仙子家王

又

風箭射壁縫白寒稜入被單王幽棲悄無夢白神思

靜常安王紙帳懸冰簾白霜華結玉盤王窓外竹敲

竹白壇前幡動幡王青燈寒焰短白紅炭冷灰殘王

暗香何處梅白徹夜相檀藥王

燈花聯句王樅張雲友劉希古三友預焉

青燈知有喜花發滿堂紅寶餅攢金蟻瓊釵綴玉蟲

白根非滋夜雨蕊不綻春風劉照破乾坤事能攘日

月功王焰凝中夜露燼落五更鍾張蟾桂光無比冰

花巧不同白無香開瑞瓣有焰似玳叢王鵲噪歡娛

定蛛絲信息通今宵真有感好事喜相逢白不假金

烏照應非玉斧工劉草蟲空亂樹野燐謾枯蓬王蛾

至渾疑蝶蛟飛不是蜂劉酒親思杜老詩詠憶韓公

不昧本來者孤光曜太空白

雪窓聯句

霜風寒襲人張梅香清透骨莫色冥九峯白月華澹

雙闕青猿嘯蒼虬王紅螢粘綠髮滕六欲飛花劉巽

二急催雪爐烹獸炭紅張簾捲鴛羅纈更燒古龍涎

白滿斟清鳳血堆盤老榛栗王託契舊瓜葛笑揮白

王塵劉共說丹砂訣飄飄志欲仙張酣酣耳正熱松

鶴警清露白煙麋卧蒼樾一鴈過天外王孤鵲遶木

末隱約銀漢星劉微芒翠杉月燭花凍不淚張火柿

撥欲滅回首顧壁影白間懷吐談屑結習三生路王

慷慨萬人傑聚散如浮萍劉死生猶幻沫萬事一置

之張四皓不渠劣夜深尸泣鬼白歲晚霜摩鵲泉涸

水涯涘王雲渺天空闊餓鼠齧枯藤劉凍蠅棲瑣闥

鵬詠興未闌張惜堂谷粲發白

權歌聯句

西風起兮落葉黃兮黍稷香兮白擊空明兮泝流光

兮天一方兮白彼美人兮遙相望兮彼蒼茫兮黎繫

孤舟兮蓼花傍兮啼寒蠶兮黎

道中與謝紫壺聯句

陰晴荏苒風吹霜白山比山南稻正黃謝照澗芙蓉

何綽約謝掠雲鴻鵠向微茫心同秋水與天遠夜折

巖花和月香嶺海青紅俱在自先隨夕照入詩腸白

戲聯食鱗體取其骨糜肉化之義

何其秀且明而况清以美不醉將如何無吟詠自己
白凡與共此者但須行樂耳無意固必我可久速仕
黃離合忍復道光陰能有幾相對默不言新筍多
且旨白玄中難致詰聖處可勝紀何為是栖栖未免
聊復爾黃

戲聯仄字體

一雨倏復霽旱魃已退壘白遠水白浩蕩列岫翠迤
邐黃古磧纏行帶宿鷺戀菰米白搥笛叫月姊伴我

啜綠蟻黃

戲聯平字體

西風來無邊松聲填虛空晴雲飛瀾漫涼蟾光玲瓏
白揮觥奔長鯨憑欄窮冥鴻詩成塙霜毫吹噓呈天
公黃

戲聯疊韻體

兩槩徃莽蒼弓蓬窮空濛白偃僂苦怒雨穹窿通雄
風黃美蒞迤邐紫叢楓朦朧紅白彼美綺里子終同
隆中翁黃

戲聯回文體

水連天渺渺山映月亭亭尾擢依鳧渚頭船過蓼汀
白鬼神號暝壑煙霧靄疎櫺美醞浮觴玉輕衣拂劍
星黃

夜船與盤雲聯句回文

烟山暮滴翠露葉秋翻紅白川急回斜岸草枯凋薄
霜黎蟬寒嘶月淡鴈過唳天長白船泊宜沙浦夜深
同詠觴黎

瀟紫巖與余賦雪約不得用色數并寔字及

比喻

不似尋常凍俄而散漫飛羞明猶欲落等伴未全晞
白承得圓還碎看來是復非積深仍密密舞急轉霏
霏潘弗是飾成細何如拾取歸今焉皆璀璨昨者只
浚激白掃去依元有呵來忽漸微亂飄寒轉甚相映
遠生輝潘莫踏凹中滿遙知凸處肥巖凝吟不厭凜
冽飲無威白賞既真堪樂豐穰不用祈嬋娟雖可待
融散恐幾希潘

疊字招隱

白王蟾集卷六
逐逐何時知足來歸山共種菊有松爲酒有藜當肉
亦有澗底芝亦有巖上瀑白日自覺如年青山長是
對日閑雲與充封門人清風爲作掃室僕朝宴息乎
長松之陰夜偃仰乎冷翠之谷我無涕唾津精氣血
液了絕喜怒哀樂愛惡欲練空碧毓紫冲兮身如玉
乘燕御飛兮詠九霄之曲

再用前韻

逐逐且貪乍足戀松楸愛蓮菊食王衣錦池酒林肉
甕埋地閣鍾月瀉天窓濕鄭街殆塞其聰趙燕可盲
其目鏡照釵詛謾交交馬跡車塵何僕僕名傷神兮
寵辱若驚事掣肘兮進退惟谷一真妄兮故知空不
空觀微妙兮常有欲無欲吾將先天後天明月之珠
裁作左仙右仙賓雲之曲

紫溪偶成回文體

鸚黃並柳風飄絮蝶粉粘花露浥香離別恨深深院
靜少年人去去途長

集句贈王秀才

富貴必從勤苦得名位豈肯卑微休勸君更盡一杯

酒與爾同銷萬古愁

頌

王真瑞世頌

維皇宋嘉定

皇后崇尚神仙有志鈇永

臣生遇

熙日獲覩

盛事謹製

王真瑞世頌其辭曰

西華王母紫虛元君咀嚼九日偃仰三雲毛竹秦娥
蕭臺周女夜騎天風曉詣帝所琪花開盛鳳鳥歌雍
霞旌舞翠煙幢麗空金莖露飛玉樹月淡蒼苔丹墀
紅藥宋檻北斗后德陽春母儀颺乘鶴驅霓裳羽衣

懿淑靖都恭柔慧閑金玉淵海瓊瑤丘山聖學光明
寶翰芳美四海歌謠關雎麟趾仙儀沖粹道性熙怡
福祿來爲葛藟斯金鼎凝霜玉爐煨月芝田黃芽
桂館白雪青鳥不至翠蓬忘歸王真瑞世吾教光輝
詳延方士酬酢道要管魄守雌玄牝觀妙廣寒兔老
衡嶽松青至尊萬壽永保坤寧

鶴林傳法明心頌

二首

萬法從心生心心卽是法語嘿與動靜皆法所使然
無疑是真心守一是正法守一而無疑法法皆心法

法是心之臣心是法之主無疑則心正心正則法靈
守一則心專心專則法驗非法之靈驗蓋汝心所以
狗子佛性頌 僧問趙州狗子還有佛性也
無州云無乃爲之頌云

雨過西風寒蒼苔封戰骨可憐老將軍飲馬長城窟

銘

鶴林靖銘

并序

張正一定都功二十八治以乙巳生人隸本竹長
樂彭棺季益乙巳生弱冠時夢之一所恍如洞宮

扁曰鶴林寤而識之惜其所以後拜大都功領治
本竹始知其山多瑞竹復與鶴鳴山相隣於是悟
鶴林之夢迺鞭心以希仙求所謂虛坎實離之妙
日與方士爲爐薰茗椀之樂若無意於仕進杜門
絕交益自韜晦旣得天樞之書兼縮雷章每拯民
瘼如救饑溺粒符滴水動有異應時翻蕊笈深味
道腴霞標芝宇精英爽越想其飛神於空碧毓沖
於淵紅者也王蟾嘗讀藏經知鶴鳴本竹之間覺
有羽人蛻仙其地竊意鶴林之朕已萌於未拜錄

白王蟾集卷六
之先無乃神游故山心馳舊隱者歟季益則鶴鳴
本竹間異人明矣神仙隱則上仙顯則瑞世茲固
竒事將欲跡其夢於丹璵翠硤之上及見季益所
著南嶽思真錄又知其再膺南嶽先生之號亦留
神於盟威元命之訣所行之法固已彰靈著驗所
受之錄又復通真達靈卽其鶴林道靖爲之銘曰
彼鶴鳴山鄰于青城彼本竹治翼于鶴鳴紫芝碧菌
丹崖翠谷雪鶴巢松琅風韻竹千巖萬壑吐雲吞烟
朱霞媚水素月流天王淵宅龍瑤草卧虎晝現霓旌

夜散花雨成一洞府似非人間中有靈君髯蒼臉丹
王局事徂黃鶴不返夕鳥歸飛洞門閉晚其地蛻仙
古今幾人豈白無人胎神蟄靈神仙隱顯朝凡暮聖
影泡出沒入大圓鏡鶴唳氏星竹凌壁宿本竹郭聲
鶴鳴張兆藥爐不火策空駕浮挹彼諸仙飛行大丘
如何老彭得此異夢適此二山映帶成洞定知郭張
遊戲閻浮進雉後人應此夢不武夷令昭洪崖老抗
皆錢流胃代有仙况今之鶴林古仙化形元命真人
南嶽先生都功三五盟威正一法掌東華職居南極

手縮雷爾是躡樞罡水火金液乃圭玄黃功盈三千
行溢八百鶴雲飄飄竹風瑟瑟夢中舊路飛還故山
麗堂雲臺遨遊其間回首霜畦芝木已老不知何人
得君火棗

得怪石研以贈鶴林仍爲之銘

顏生充鑿得石如研胡爲泥中渝久不變世如泥濁
心如石堅磨穿此石心乎悠然

直清軒銘

虚心自潔勁節不渝與之俱化惟君子儒

慵菴銘

丹經慵讀道不在書藏教慵覽道之皮膚至道之要
貴乎清虛何謂清虛終日如愚有詩慵吟句外腸枯
有琴慵彈弦外韻孤有酒慵飲醉外江湖有碁慵奕
意外干戈慵觀溪山內有畫圖慵對風月內有蓬壺
慵陪世事內有田廬慵問寒暑內有神都松枯石爛
我常如如謂之慵菴不亦可乎

日損銘

周唯道造玄域窮太始索太易知良兪卽山澤省念

白雲集卷六
慮究玄蹟搏交游樂虛寂謹言語節飲食薄嗜好減
思索宇泰定室虛白返真觀習定息絕世事得慧力
道日損學日益卽此是真端的

贊

瓊山白玉蟾暇日吮筆作伯陽悉達宣父三
君子之肖仍拾其語爲之贊云

谷神不死是謂玄牝玄牝之門是謂天地根
人心惟危道心惟微惟精惟一允執厥中
羯帝羯帝波羅羯帝波羅僧羯帝菩提薩婆訶

李伯陽贊三

三花聚頂五炁朝元入衆妙門玄之又玄
道是太乙元君又是河上丈人渺渺太清之境巍然
道德之身

蓬萊三萬里道德五千言一自青牛去函關烟雨昏
高祖聖師天台紫陽真人贊 姓張諱伯端

一名用成字平叔

元豐一皂吏三番遭配隸空餘悟真篇帶些鉛汞氣
魯祖聖師真一還源真人贊 姓石諱泰字

得之

杏林驛雪之夕老師張弟子石凜凜清風生八極那
些兒消一滴

師祖雞足紫賢真人贊

俗姓薛諱式字道

原一名道光

禿頭儉相做盡模樣張平叔若不再來石得之不成
信向你卽是道光和尚

先師翠虛泥丸真人贊

姓陳諱楠字南水

惠州是生緣嘉州是得遇漳州走落水潭州沒去處

虛靖先生像贊

七返還丹阿誰無先生歸去誰識渠時人要見真虛
靖北斗西邊一點如

沖虛侍宸王文卿像贊

醉持鐵尺叫風雷玉帝綸言召兩回到得人間無鬼
蜮依然長嘯入西臺

天師侍晨追封妙濟真人林靈素像贊

大宋天師林侍晨飛罡躡紀召風霆四十五年人事
足中秋歸去月三更

許旌陽贊

曾傳謔母煉丹訣夜夜西山採明月壺裏蒲成盛烏兔
精劍尖尚帶蛟龍血一自旌陽縣歸來拔宅騰空入
金闕但留件道八百年未教他喫東華雪

韓湘子贊

白雪滿空夜黃芽一朵春藍開歸去後問甚世間人
陳七子贊

一卷無人識千鍾對客談桃花開欲謝猶自戀寒巖

何仙姑贊

閩苑無蹤跡唐朝有姓名不知紅玉洞千古夜猿聲

曹國舅贊

竊得王京桃踏斷金華草日雲滿蓑衣內有金丹寶

黃風子贊

先生不狂是詩狂先生不顛是酒顛顛顛狂狂人不
識歸去青城今幾年曾將詩酒瞞人眼不是酒仙與
詩仙只是箇黃顛

朱文公像贊

皇極墜地公歸于天武夷松竹落日鳴蟬

白雲集卷六
日月藏歌裏溪山掛杖頭有些難說處夜夜是中秋
千古蓬頭跣足一生服氣餐霞笑拍武夷山下白雲
深處吾家

神府雷霆吏瓊山白玉蟾本來真面目水墨寫霜嫌

許紫冲求真容贊

虎已伏龍已降獼猴不復窺六窓萬籟無聲秋夜靜

一輪明月照西江

廬山之下繡谷之中一江夜月萬壑松風此意誰能

委岳陽城外松

種桃齋寫神贊

南海瓊山子香山居士孫習文不若陸賈習武不如
孫臏八千餘里琴劔二十一年水雲偶過廬山之下
痛飲蟾溪之濱縱饒盡得十分似何似天邊一月輪

周伯神喜神贊

方丈老仙容寸心水一滴雙臉紅朱砂兩眼點黑漆
咄白鬚撫掌笑呵呵白鶴一去無人識

倪梅窓喜神贊

燕頷虎頭古班超龍章鳳姿晉稽康高人心地本無

象風清月冷倪梅窓

醉作觀音像仍爲書贊

柳絮多頭緒桃花好面皮夫是之謂誰東海比丘尼
頂戴彌陀呈醜拙手持楊柳惹塵埃縱饒入得三摩
地當甚街頭破草鞋

花紅柳綠菩提相燕語鶯啼般若宗更去補陀山上
覓雲濤煙浪捲天風

布袋和尚贊

布袋包盡太虛空拄杖擊破三千界世界若還擊得
碎拄杖何止如許大若言包得太虛空虛空却在布
袋外如何偏愛此等物常與小兒作一隊問世人會
不會奪了他拄杖捨了他布袋打殺許多小孩兒看
他彌勒何能解彌勒撫掌笑呵呵明月清風無罣礙
等到龍華三會時依前有一彌勒在

穢跡贊

寶杵動時天地黑鏗鈴震處鬼神驚釋迦臨人洎繁
日六慾天中現此身現此身無邊際大圓鏡中點檢
看箇箇三頭并六臂

戲作墨竹二本贈鶴林因為之贊

新梢凝翠落照餘紅亂鷗噪罷葉葉清風

一枝嫩綠數葉老蒼夜半月明清露灑灑

偈

金剛經偈寄示西林總長老

以字不成八字不是如是我聞早落第二

喜無憂求偈

禪不用參道不用學行住坐卧是大圓覺

為禪悟剪髮偈

一毛頭上一如來一一如來鼻孔開把得這般力在

手剪教斷了喚教回

鄭天谷寫神隨喜說偈

大道本來無形安得這般面背是你不合帶來只得

任他贊毀三分似人七分似鬼不是骷髏不是傀儡

這箇是第幾箇身這箇是第幾箇你有人更問如何

向道劒去久矣咄三尺浪高魚化龍癡人猶岸夜塘

水

詩餘

蘭陵王

一溪碧何處桃花流出春光好尋箇小小籃輿漫行
適蒼苔滿白石澗底陰風凜栗疑無路幽壑琤琤峽
轉山回入林僻千峰呈翠色時亦有聲聲樵唱牧
笛忽然一樹櫻桃白又迴頭一顧掀髯一笑詩情酒
思正豪逸虎蹄過新跡暮暮霧如織見異草珍禽
問名不識山靈勒駕雨來急欲游觀未已僕言日夕
看來看去似那裏似少室

又題筆架山

三峰碧縹緲烟光樹色高寒處上有猿啼鶴唳天風
夜蕭瑟山形似筆格人道江南第一游紫觀月殿星
壇積翠樓前吹鐵笛客來訪靈蹟聞王郭當年曾
此駐錫二仙爲謁浮丘伯從騷鸞去後雲深難覓丹
爐灰冷杵聲寂依然舊泉石泉石最幽閒更禽靜
花閑松茂竹密清都絳闕無消息共羽衣揮塵感今
懷昔堪嗟人世似夢裏駒過隙

又紫元席上作

桃花瘦寒食清明前後新燕子禁得餘寒風雨把人

苦儂慙梅粒今如豆減却春光多少空自有滿樹山
茶似語如愁卧晴晝 幽人展襟袖惜鶯花未老江
山如舊杜鵑聲裏同携手嘆陌上芳草堤邊垂柳一
春十病九因酒愁來獨搔首豈蕊枝頭小應可惜年
華辜負時候九十日韶光那得久問芍藥覓醉牡丹
索笑三萬六千能幾度君知否

沁園春

歲雨如塵嬌雲似織未肯便晴見海棠花下飛來雙
燕空楊深處啼斷孤鶯綠砌苔 上喬木暖笑燃吟

髭行復行幽尋懶就半窓殘睡一枕初醒 銷凝次
第清明渺南北東西草又青念鏡中勲業韶光冉冉
樽前今古銀髮星星青鳥無憑丹霄有約獨倚東風
無恨情誰知有這春山萬點杜宇千聲

又

暫聚如萍忽散似雲無可奈何何天涯海角兩行別
淚風前月下 一片離騷啼罷棲鳥望窮芳草此恨與
之誰較多昏黃後對青燈感慨白酒悲歌 夢中作
夢知麼憶往事落花流水呵更凭高 遠沈腰不瘦

白王蟬集卷六
二十
悵今懷昔潘鬢須皤去燕來鴻尋梅問柳寸念從他
寒暑熬銷竟處但烟光縹緲山色周遭

又送王侍郎帥三山

錦綉文章珪璋聞望碧落侍郎昨履聲漸近星辰避
次竹符重剖湖海生光委羽天空石橋水冷每爲泉
生時雨滂君知否是民心襦袴吏瞻冰霜少須召
入鷓行也不念無人荷紫囊有本朝曾旦移春手段
舊家義獻補月心腸此去三山却登八座已準金甌
姓字香還朝處雙鳧作對五馬成行

又

大丈夫兒冰肝玉膽礪山帶河美此身此世無過駒
隙一名一利未直鴻毛相府如潭侯門似海那得烟
霄爾許高當初我是乘雲御氣幾百千遭此生勛
業無多也手種梅花三百窠又底曾嗅著廟堂鍾鼎
底曾拈得帷幄弓刀玉帝遙知金書何晚時有鶴鳴
于九臯如今且向風前浪舞月下高歌

又寄鶴林

三徑就荒松菊猶存歸去來兮嘆折腰爲米弃家因

酒往之不諫來者堪追形役奚悲途迷未遠今是還
知悟昨非舟輕颺問征夫前路晨已微 歡迎童
穉嘻嘻羨出岫雲閑鳥倦飛有南窓寄傲東臯舒嘯
西疇春事植杖耘耔矯首遐觀壺觴自酌尋壑臨流
聊賦詩琴書外且樂天知命復用何疑

又

乍雨還晴似寒而煖春事已深是婦鳩乳燕說教魚
躍豪蜂醉蝶撩得鶯吟鬪茗分香脫禪衣袂回首清
明上巳臨芳菲處在梨花金屋楊柳璫林 如今詩

酒心襟對好景良辰似有姪念恨如芳草知他多少
夢和飛絮何處追尋病酒時光困人天氣早有秋秧
吐嫩針蘭亭路漸流觴曲水修禊山陰

又

吹面無寒沾衣不濕豈不快哉正杏花雨嫩紅飛香
砌柳枝風軟綠映芳臺燕似談禪鶯如演史猶有海
棠連夜開清明也尚陰晴莫準蜂蝶休猜 朝來應
問蒼苔甚幾日都成錦綉堆念四方賓友不堪渭樹
一年春事已屬庭槐宿酒難醒多情易老爭奈傳杯

白玉蟾集卷六
不放杯如何好看鞦韆則劇蹴踘恢諧

又贊呂公

渭水秋深溢江春老洞庭一湖問城南古樹如今在
否洛中狂客還更來無獨上君山渺觀巖石八百里
鯨波泛巨區何曾錯有茶中上竈酒裏仙姑終須
度了肩吾稽首終南鍾大夫自太平寺裏題詩去後
東林沈宅大醉歸歟天上筵多人間到少更不向廬
山索鯁魚如何好好借君黃鶴上我清都

又題羅浮山

且說羅浮自從石洞水簾以還是向時景泰初來卓
錫舊家句漏曾此修丹藥院空存鐵橋如故上更有
朱仙朝斗壇飛雲項在石橋高處杏靄之間山前
拾得清閑也分我烟霞數畝寬自竹橋人去青蓮馥
郁柴門閉了綠柳回纒白酒初芻清風徐至有桃李
時新釀幾盤仙家好這許多快活做甚時官

又贈胡葆元

要做神仙煉丹工夫亦有何難向雷聲震處一陽來
復玉爐火熾金鼎烟寒姹女乘龍金公跨虎片餉之

白王明集卷之六
間結大還丹田裏有白鷗一箇飛入泥丸 河車運
入崑山全不動織毫過玉關把龜蛇烏兔生擒活捉
霎時雲雨一點成丹白雪漫天黃芽滿地服此刀圭
永駐顏常溫養使脫胎換骨身在雲端

又

歲去年來思量人生空自沉埋既這回冬至一陽來
復便須修煉更莫疑猜好箇鼎爐見成鉛汞片餉工
夫結聖胎人身裏三千世界十二樓臺 周年造化
安排只在這些真妙哉要先擒日月後攢星斗黃庭
中畔化作瓊瑰誰會天機分明說破恰似江頭雪裏
梅丹成後做些功行歸去蓬萊

又題桃源萬壽宮

黃鶴樓前吹笛之時先生朗吟想劍光飛過朝遊南
岳墨籃放下夜醉東隣鐺煮山川粟藏世界有明月
清風知此音呵呵笑笑釀成白酒散盡黃金 知音
自有相尋休踏破葫蘆折斷琴唱白蘋紅蓼廬山日
暮西風黃葉渭水秋深三入岳陽再遊湓浦自一去
優游直至今桃源路儘不妨來往時共登臨

又題湖頭嶺菴

客裏家山記踏來時水曲山崖被灘聲喧枕雞聲破
曉匆匆驚覺依舊天涯抖擻征衣寒欺曉袂回首銀
河西未斜塵埃債嘆有如此髮空爲伊華古來客
况堪嗟儘貧也輸他在家料驛舍旁邊月痕白處暗
香微度應是梅花揀折一枝路逢南鴈和兩字平安
寄與他教知道有長短埃五里飯二茶

水龍吟

餘曠浮空南枝一點春風至洞天未鎖人間春

好玉妃曾墜錦瑟繁絃鳳笙清響九霄歌吹問分香
舊事劉郎去後還誰共風前醉回首暝烟千里但
紛紛落英如淚多情易老青鸞何許詩成難寄斗轉
參橫半簾花影一溪流水悵飛鳧路杳行雲夢斷空
自有三峰翠

又

層巒疊嶽浮空斷崖直下分三井蒼苔路古鹿鳴芝
澗猿號松嶺露浥鳳簫烟迷枸杞綠深翠冷笑携筇
一到登高眺遠是少仙家景長念青春易老尚

區區枯蓬斷梗人間天上喟然俯仰隻身孤影世事
空花春心泥絮此回還省向瑤臺雙闕結間菲屋坐
千峰頂

又採藥徑

雲屏謾鎖空山寒猿啼斷松枝翠芝英安在木苗已
老徒勞屐齒應洞中鳳簫錦瑟鎮常歌吹悵蒼苔路
杳石門信斷無人問溪頭事 回首暝烟無際但紛
紛落花如淚多情易老青鸞何處書成難寄欲問雙
娥翠蟬金鳳向誰嬌媚想分香舊恨劉郎去後一溪

流水

十二時鶴林靖作

素馨花在枝無幾秋入欄干十二那茉莉如今已矣
只有蘭英菊蕊霜蟹年時香棖天氣總是悲秋意問
宋玉當日如何對此淒涼風月怎生存濟 還未知
幽人心事望得眼穿心碎青鳥不來彩鸞何處雲鎖
三山翠是碧霄有路要歸歸又無計柰何他水長天
遠身又何曾生翼手撚芙蓉耳聽鴻雁怕有丹書至
縱人間富貴一歲復一歲此心終日繞香盤在篆畦

兒裏

瑞鶴仙

殘蟾明遠照政一番霜訊四山秋老孤村帶清曉有
鳴鞭歸騎亂林啼鳥青帘縹渺懶行時持杯自笑甚
年來破帽彫裘慣得淡烟荒草多少客愁羈思雨
泊風餐水邊雲杪西窓政好疎竹外粉牆小念歸期
相近夢魂無奈不爲羅輕寒悄怕無人料理黃花等
閑過了

又

賦情多懶率每醉後踈狂醒來飄忽無心戀簪紱謾
才高子建韻欺王勃曾中絕物所容者詩兵酒卒一
兩時調發將來掃盡悶妖愁孽莫說殺人一萬自
損三千到底艱確懸河口訥非夙世無靈骨把湖山
牌印鶯花權柄牒過清風朗月且束之高閣休休這
回更不

祝英臺近

月如酥天似玉長嘯弄孤影十二樓臺昨夢暗尋省
憐露滿衣襟風吹毛髮渾無寐寒宵漏永捧香鼎

白玉蟾集卷六
翻起一片龍涎梅花對人冷庭戶冰清何處鶴聲驚
少時燭暗梧窓烟生苔砌曉鍾動忽然心醒

水調歌頭詠茶

二月一番雨昨夜一聲雷槍旗爭展建溪春色占先
魁採取枝頭雀舌帶露和烟搗碎煉作紫金堆碾破
香無限飛起綠塵埃 汲新泉烹活火試將來放下
兔毫甌子滋味舌頭回喚醒青州從事戰退睡魔百
萬夢不到陽臺兩腋清風起我欲上蓬萊

菊花新

渺渺烟霄風露冷夜未艾涼蟾似水海山外五雲散
彩三峯凝翠一鶴橫空何縹緲見殿閣笙歌擁羅綺
笑芳生空如尺鷁戀槿花籬 於中青鸞唱美丹鶴
舞竒有粉娥瓊女齊捧芳卮天真皇人陳玳席宴太
姥思之暗生悲念如今紅塵滿面謾洒晚風淚

二

十二樓臺但前回舊跡想琪花似雪忘了還思朝暮
癡癡地只有老天知却自省玉堦金砌錯拋離 梧
桐聲顫窓外草蛩吟細醉竟覺又聽秋鴻悲噓極目

寒空嘆未有紫雲梯絳闕消息子也無一二枉垂涕

三

寶鴨温香訴絲誠寸意記當年事悶本愁基人間天上只爭得那些兒喫禁持却念九霄風味 清晨鴈字一句句在天如在紙只得向風前默默自嗟惜業債俱消還未了甚時已一日裏滴了掩兒來淚

四

念我東皇大帝兒是操觚弄翰之職飛落塵寰似此度筭應希向這裏安能便策景御氣 灰頭土面千

河水把我如何洗縱便有銖衣已矢眉峰翠看看皓首瞞不過鏡臺兒除是去青松下碧雲底

五

弱水去蓬萊八萬四千里遠漠漠俯仰天水青無際鳥飛不到船去難渺無依剪錦字雲信待憑鸞翼青芝素瀑草舍兒隱隱烟霞裏向閑處批風切月品天地三島十洲去有日幾何時胎仙就直待鶴書來至

六

銅壺四水寒生素被夜迢迢烟月熹微池浸霜荷檻
竹響井楓飛寶枕潭無夢念忡忡地 形留神往鎮
日價忘食應忘寐省得起都是天上仙家事珠歌舞
酌玉液飯雲子怎得麒麟脯更教知味

七

有箇悶甚處一向如癡醉獨倚住危欄坐咬無名指
金魚王鴈一從去絕消息念念懷天帝密與冥契
晴霞照水嘆細草新蒲寒萋萋對夕照樹色烟光相
紫翠花落鶯啼把往事似川逝光陰速何時是伊歸

日

八

雪牖風軒度歲時聽芭蕉雨聲悽惻情多易感漸不
覺鬢成絲忽又成千古諠如夢裏 西山南浦盡秋
意一望芦花飛有一點沙鷗點破松梢翠凄然念起
覺兩腋涼颼細詩興渾飛在漁鄉橘里

九

忽水遠天長笑把玉龍嘶一聲聲吹斷寒雲滄波裏
幽愁暗恨弄皓月怨白日問太虛不尚則成休矣

白雲鶴性死也要冲霄乘風去分自有終合仙飛感
古懷今聊把筆落葉寒蟬悲使人增怨抑

菩薩蠻送劉貴伯

閤山雲冷風蕭瑟野猿啼罷蟾光白聽徹太清絃斷
腸雲水天金陵君此去秋入蒹葭浦興滿卽回轅

明年二月春

謁金門

春又去愁殺一聲杜宇昨夜海棠無

曉來聞燕

語縹渺佳人何處鎮日愁腸萬縷千里無家歸未

得春風知我苦

喜遷鶯鶴林靖偶作

吾家何處對落日殘鷗亂花飛絮四海五湖千岩萬
壑已把此生分付怎得海棠心緒更沒鴛鴦債負春
正好嘆流光有限老山無數歸去君試覩紫燕黃
鸝愁怕韶華暮細雨斜風斷烟芳草暑往寒來幾度
鎖却心猿意馬縛住金烏玉兔今古事似一江流水
此懷難訴

水調歌自述六首

白玉蟾集卷六
金液還丹訣無中養就見別無他術只要神水入華
池採取天真鉛汞片餉自然交媾一點紫金胎十月
周天火王鼎產瓊芝 你休癡今說破莫生疑乾坤
運用大都不過坎和離石裏緣何懷玉因甚珠藏蚌
腹借此顯天機何況妙中妙未易與君知

又

喫了幾辛苦學得這些兒蓬頭赤脚塔頭巷尾打無
爲都沒蓑衣笠子多少風烟雨雪便是活阿鼻一具
骷髏骨恐盡萬千饑 頭不梳面不洗且憨癡自家
屋裏黃金滿地有誰知這裏一聲慚愧那裏一聲調
數滿面笑嘻嘻白鶴青雲上記取這般時

又

有一修行法不用問師傳教君只是饑來喫飯困來
眠何必移精運氣也真行功打坐但去淨心田終日
無思慮便是活神仙 不憨癡不狡詐不風顛隨緣
飲啄筭來命也付之天萬事不由計較造物主張得
好凡百任天然世味只如此拚做幾千年

又

白玉蟬第一卷六
三五
一箇清閑客無事掛心頭包巾紙襖單瓢隻笠自逍
遙只把隨身風月便做自家受用此外復何求倒指
兩三載行過百來州百來州雲渺渺水悠悠水流
雲散于今幾度蓼花秋一任烏飛兔走我亦不知寒
暑萬事總休休問我金丹訣石女跨泥牛

又

不用尋神水也莫問華池黃芽白雪筭來總是假名
之只這坤牛乾馬便是離龍坎虎不必更猜疑藥物
無斤兩火候不須時
偃月爐朱砂鼎總皆非真鉛

真汞不煉之煉要何為自己金公姹女漸漸打成一
塊胎息象嬰兒不信張平叔你更問他誰

又

要做神仙去工夫譬似閑一陽初動玉爐起火煉還
丹捉住天覓地鬼不與龍騰虎躍滿鼎汞花乾一任
河車運徑路入泥丸
飛金精採木液過三關金木
間隔如何上得玉京山尋得曹溪路脉便把華池神
水結就紫金團免得飢寒了天上卽人間

又

白玉蟬集卷六
草漲一湖綠天墮四山青這千年裏幾多興廢不容
聲無分貂金珮王不夢歌鍾食鼎何處有車旌但念
旌陽劍枉自染蛟腥 生諸葛少馬援尚雲萍醉鄉
日月飄然身世付劉伶知道東門黃犬不似西山白
鷺風月了平生起來忽清嘯驚落夜潭星

又

杜宇傷春去蝴蝶喜風清一犁梅雨前村布穀正催
耕天際銀蟾映水谷口錦雲橫野柳外亂鳴蟬人在
斜陽裏幾點晚鷗聲 採楊梅摘盧橘飮朱櫻奉陪

諸友今宵爛飲過三更同入醉中天地松竹森森翠
幄酣睡綠苔茵起舞弄明月天籟奏簫笙

又

一箇江湖客萬里水雲身鳥啼春去烟光樹色正黃
昏洞口寒泉漱石嶺外孤猿嘯月四顧寂無人夢魂
歸碧落淚眼看紅塵 烟蒙蒙風慘慘暗銷魂南中
諸友而今何處問浮萍青鳥不來松老黃鶴何之石
爛嘆世一傷神回首南柯夢靜對北山雲

又

自玉蟾集卷六
昔在虛皇府被謫下人間笑騎白鶴醉吹鐵笛落星
灣十二玉樓無夢三十六天夜靜花雨洒琅玕瑤臺
歸未得忍聽洞中猿也休休無情緒煉金丹從來
天上神仙官府更嚴難翻憶三千神女齊唱霓裳一
曲月裏舞青鸞此恨憑誰訴雲滿武夷山

又和嬾翁

昔在虛皇府嘯詠紫雲中不知何事誤蒙天謫與公
同偶到今華洞口忽見嬾翁老子挺挺衆中龍握手
歸仙隱談笑起天風忽相逢一轉瞬酒杯空幾時
再會唱賡詞翰倒金鍾只恐武夷山裏千古猿啼鶴
唳未便躡飛虹公欲歸仙去我欲寄公蹤

又

誤觸紫清帝謫下漢山川旣來塵世奇奇恠恠被人
嫵懶去蓬萊三島且看江南風月一住數千年天風
自霄漢吹到劍峰前做些詩喫些酒放些顛木精
石恠時時作地行仙朝隱四山猿鶴夜枕一天星斗
紙被裹雲眠夢爲蝴蝶去依約在三天
又丙子申元後風雨有感

一葉飛何處天地起西風夜來酒醒月華千頃浸簾
櫳塞外賓鴻來也十里碧蓮香滿澤國蓼花紅萬象
正蕭爽秋雨滴梧桐釣臺邊人把釣興何濃吳江
波上烟寒水冷剪丹楓光景暗中催去覽鏡朱顏猶
在回首鷺巢空鐵笛一聲曉喚起玉淵龍

又

江上春山遠山下暮雲長相留相送時見雙燕語風
檣滿目飛花萬點回首故人千里把酒沃愁腸回鴈
峰前路烟樹正蒼蒼漏聲殘燈焰短馬蹄香浮雲

飛絮一身將影向瀟湘多少風塵日月下迤邐天涯海
角竟夢亦淒涼又是春將暮無語對斜陽

又石知院生辰

兩鬢青絲髮雙眼黑方瞳人皆道是昭慶一箇老仙
翁暫別蓬萊弱水自把星冠月帔玉珮舞薰風醉入
桃源路歸去不知蹤舉雲璈鳴鐵笛撫絲桐滿前
劍弁森列稽首捧金鍾挺挺松形鶴貌任待桑田變
海寶鼎粒丹紅玉帝下明詔獨騎上瑤空

浦江紅詠武夷

憶昔秦時中秋日武夷九曲烟寂寂斜陽數尺寒鷗
枯木三十六峰凝曉翠一溪流水生秋綠正滿林桂
子散天香飛金粟 神仙客金丹熟王詔下雲生足
岩頭新換骨尚枯紅肉夜半月華明似晝玉皇降輦
鋪殺餽笑魯孫回首幔亭前空松竹

又詠白蓮

昨夜姮娥游洞府醉歸天闕綠底事玉簪墜地水神
不說持向水晶宮裏去曉來捧出將饒舌被薰風吹
作滿天香誰分別 芳而潤清且潔白似玉寒於雪
想玉皇後苑應無此物只得賦詩空賞嘆教人不敢
輕攀折笑李粗梅瘦不如他真奇絕

又聽陳元舉琴

樹色冥濛山烟暮鳥歸日落憑欄處眼空宇宙心遊
碧落古往今來天地裏人間那有揚州鶴幸而今天
付與青山甘寥寞 好花木多岩壑得蕭散耐淡泊
把他人比並我還不錯一曲瑤琴知此意從前心事
都忘却况新秋不飲更何時何時樂

又別鶴林

明日如今我已是天涯行客相別後麻姑山上齊雲
亭側幾箇黃昏勞悵想幾宵皓月逢思憶與二仙不
但此今生皆疇昔 頻到此歡無極今去也來無的
念浪萍風絮東西南北七八年中相契密三千里外
來將息悵金丹未就玉天遶還悽惻

又

鈞天高處元自有瓊樓玉闕又那更九霞隱映五雲
斗絕八面玲瓏光不夜四圍是雄寒如月有廣寒宮
殿隱姮娥冰壺潔 飄飄去天風例星河外花飛雪

見三千神女尊前一闕來到人間渾似夢未能歸去
空悲咽問仙都此去幾由旬歸心熱

又贈豫章尼黃心大師 嘗爲官妓

荳蔻丁香待則甚如今休也爭知道本來面目風光
洒洒底事到頭鸞鳳侶不如鞦韆鴛鴦社好說與幾
箇正迷人休嗟訝 紗窗外梅花下酒醒也教人怕
把翠雲剪却緇衣披挂柳翠已參彌勒了趙州要勘
臺山話想而今心似白芙蓉無人畫

摸魚兒

白玉蟾集卷六
三五
問滄江舊盟鷗鷺年來景物誰主悠悠客鬚知何事
吹滿西風塵土渾未悟謾自許功名談笑侯千戶春
衫戲舞怕三徑都荒一犁未把猿鶴笑君誤君且
住未必心期盡負江山秋事如許月明風靜萍花路
欹枕試聽鳴櫂還又去道喚取陶泓要草歸來賦相
思最苦是野水連天漁榔四起蓑笠占烟雨

又壽覺非居士

雨肥梅亭臺初夏墨花開向前夜純陽鶴會先三日
何處神仙降駕知得也是西山彭抗來胎化平生性
野自倒指今年七旬有六使節半天下焚金獸毋
惜滿斟玉斝兒孫况又瀟洒公公骨相如松在一掬
精神堪盡于今且煉金丹成了為憑藉歸心蓮社便
做得廼翁年登八百未是壽長者

又

這身兒從來業障一生空自勞攘生死生皆如夢
更莫別生妄想沒伎倆只管去天台鴈蕩尋方廣幾
人不省被妻子縈纏生涯拘束甘自歸黃壤世間
事一斤兩箇八兩問誰能去俯仰道義重子輕富貴

白王集卷六
却笑輪迴來往休勉強老先生從來恬淡無粧恍一
聲長嘯把拄杖橫肩草鞋貼脚四海平如掌

又壽傅樞閣中李夫人

跨飛鸞醉吹瑤笛蓬萊知在何處薰風飄散荷花露
夢覺已非人所忘歸路誰知道人間別有神仙侶身
游樞府柰詔入玉樓猛騎箕尾四海憶霖雨 問王
母天上桃紅幾度藥宮今是誰主明年甲子從頭數
春入鬢雲鬢霧如今去是處裏福田都著黃金布庭
前玉樹看子早生孫孫還生子子歲歲彩衣舞

洞仙歌鶴林賦梅

南枝漏泄一點春光別無蝶無蜂正霜雪向竹梢踈
處瘦影橫斜真箇是瀟灑冰肌玉骨 黃昏人靜踏
碎堦前月忍凍相看惜攀折巡簷空索笑似笑無言
夜悄悄香入寒風清冽 更那堪畫角惱幽人又滿
地落英愁腸萬結

滿庭芳和陳隱芝韻

百雉城邊亂花深處竹間一笑雙清天公解事爲我
弄陰晴雨過槐陰綠淨女牆外楊柳絲輕堪嗟惜詩

白王蟬集卷六
尤酒罍鏡裏失青春 清和如許在鶯鶯燕燕相與
忘情謫仙風度命代萬人英遊戲琴棋書畫人間世
別有方瀛酕醄後玄裳效舞所欠董雙成

瑤臺月

烟霄凝碧問紫府清都今夕何夕桐陰下幽情遠與
秋無極念陳迹虎殿虬宮記往事龍簫鳳笛露華冷
蟾光白雲影淨天籟息知得是蓬萊不遠身無羽翼
廣寒宮舞徹霓裳白王臺歌罷瑤席諍不思下界有
人岑寂羨博士兩泛仙槎與曼倩三偷蟠實把丹鼎
暗融液乘雲氣醉揮斤嗟惜但城南老樹人誰我識

永遇樂

懶散家風清虛活計與君說破淡酒三杯濃茶一盃
靜處乾坤大倚藤臨水步屨登山白日只隨綠過自
歸來曲肱隱几但祗恁和衣卧 柴扉草戶包巾紙
襖未必有人似我我醉還歌我歌且舞一恁憨癡好
綠水青山清風明月自有人間仙島且俚隨補破遮
寒燒楮拙火

又寄鶴林靖

白三蛟集卷六
四二
銀月淒涼綺霞明滅秋色如此露滿清襟風生衰鬢
夜已三更矣尋思往事千頭萬緒回首誚如夢裏拍
烟霄不如歸去不知今夕何夕 鶉衣百結臙脂垢
膩猶是小蠻針指對酒逢詩高吟大笑四海今誰似
荷亭竹閣共風同月此會今生能幾君須記去來聚
散只溫底是

好事近贈趙制機

行到竹林頭探得梅花消息冷蒞踈英如許更無人
知得 冰枯雪老歲年徂俯仰自嗟惜醉卧梅花影
裏有何人相識

又

何事鴈來遲獨步秋園默默莫恨桂花開盡有菊花
堪惜 回頭顧影背斜陽聽西風蕭瑟無限詩情酒
思那早梅知得

桂枝香

樓前凝望見水滿一溪雲滿千嶂將晚欲行無緒欲
眠無况岩花澗草春無極倚東風忽然惆悵淡烟飛
過幽禽叫斷遠鍾嘹唳 爲底事沉吟一餉念隻影

白王蟬集卷六
飄浮寸心虛曠無限游絲落絮此懷難狀江湖淮海
行將遍覺詩腸酒膽超暢一丘一壑歸來念我舊家
天上

南鄉子愛閣賦別二首

夜月照千峰影滿荷池靜晨風明日今宵還感慨梧
桐葉隨雲颺碧空聚散與誰同野鶴孤雲有底
蹤別處要知相憶處無窮總在青山夕照中

又

前度幾相逢此日游從樂不同竹閣荷亭歡聚處雍
容如在蓬萊第一宮夜半月朦朧秉燭東園風露
中明日匆匆還入淞忡忡却把音書寄遠鴻

霜天曉角綠淨堂

五羊安在城市何曾改十萬人家闌闌東亦海西亦
海年年蒲澗會地接蓬萊界老樹知他一劍千山外
萬山外

賀新郎

且盡杯中酒問平生湖海心期更如君否渭樹江雲
多少恨離合古今非偶更風雨十常八九長缺歌彈

明月隨對蕭蕭客鬢閑携手還怕折渡頭柳 小樓
夜久微涼透倚危欄一池倒影半空星斗此會明年
知何處蘋末秋風未久謾輸與鷺朋鷗友已辦扁舟
松江去與鱸魚蓴菜論交舊應念此重回首

又

夢繞荷花圖遍橘洲柳市芙蓉巷陌桂社蘭鄉白蘋
里月冷波寒之夕有孤鷺落霞知得一鶴橫空雲漠
漠見梅梢萬粒真珠滴猶未把寒香惜 畫樓何處
吹瑤笛便酥顰玉笑露鬆霜瘠姑射真人遊紫府下
戲三江七澤此莫是冰魂雪魄半逐風飛半隨水半
在枝半落蒼苔白酒醒後曉窓碧

又雪

是雨遠堪拾道非花又從簾外受風吹入撲落梅梢
穿度竹恐是蛟人訴泣積至暮螢光熠熠色映萬山
迷遠近滿空浮似片應如粒忘煉得我雙睫 吟肩
聳處飛來急故撩人粘衣喫袖嫩香堪浥細聽疑無
伊復有貪看一行一立見僧舍茶烟飄濕天女不知
維摩事謾三千世界繽紛集是剪水誰能及

又

挽住風前柳，問鴟夷當日扁舟。近曾來否？月落潮生，無限事零落茶烟米久。謾留得、蓼鱸依舊。可是從來功名誤，撫叢桐誰繼風流。後今古恨一搔首。江涵鴈影，梅花瘦，四無人雪飛風起。夜窓如畫，萬里乾坤清絕處，只許漁翁釣叟。近又落詩人豪友，猛拍欄干呼鷗鷺。道他年我亦垂綸手，飛過我共樽酒。

又詠牡丹

曉霧須收霽，牡丹花如人半醉。擡頭不起，雪凍作冰

冰作水，十朵未開三四。又加以風禁平雨制，是是東

吳春色。盛儘移根換葉，分黃紫所貴者，稱姚魏。其

間一種，又姝麗似佳人。素羅裙在碧羅衫底中，有一

花邊兩蕊恰如粧成小字，看不足如何可比白玉杯

將青玉綠攄晴香，煖艷還如此。微咲道有此是

又紫元席上作

飛盡桃花片，倚東風高吟大嘯。開懷消遣芍藥牡丹，開未遍不道韶華如電。無心向小庭幽院，秉燭夜遊。雖不倦奈一番風雨，花容變春去也無人見。何處

白雲集卷六
四十五
鶯鶯啼不斷探後園紅稀翠減青稠綠蒲蝶在花間
猶死戀早有行人搖扇故自要與春為餞笑指白雲
歸去好對夕陽瀉酒憑誰薦柳深處有雙燕

又肇慶府送談金華張月窓

謂是無情者又如何臨臨欲別淚珠如洒此去蘭舟
雙槳急兩岸秋山似畫况已自芙蓉開也小立西風
楊柳岸覺衣單略說些些話重把我袖兒把小詞
做了和愁寫送將歸要相思處月明今夜客裏不堪
仍送客平昔交游亦寡况慘慘蒼梧之野未可凄凉

休哽咽更明朝後日纔方却默默斜陽下

又再送前人

風雨今如此問行人如何有得許多兒淚為探木犀
開也未只有芙蓉而已九十日秋光能幾千里送人
須一別却思量我了思量你去則是住則是歸歸
我亦行行矣便行行不須回首也休索繫一似天邊
雙鳴鴈一箇飛從東際那一箇飛西際畢竟人生都
是夢再相逢除是青霄裏却共飲却共醉

又隱括菊花新

白玉蟬集卷六
露白天如洗淡烟輕疎林映帶遠山橫翠對此情懷
成其也雲斷小樓風細獨倚遍畫欄十二花館雲窓
成憔悴聽賓鴻天外聲嗚唳但不過悶而已 房櫳
深靜難成寐夜迢迢銀臺絳蠟伴人垂淚色得暫時
朦朧地還又匆匆驚起謾自展雲牋錦字往後各收
千張紙念夢勞魂役空凝睇終不負鷗鷺志

又羅浮作

醉見千山面晚晴初蟬聲未了鳥聲尤遠知道仙人
丹竈在尚有陳灰猶暖但只恐松枯石爛笑問年華
應不換又如何洞裏笙簫斷還念我去歸晚 千歲
萬壑猿啼遍一思量一回惆悵恨一回淚退豈是自家
無仙骨尚被紅塵牽絆要分此烟霞一半當日朱仙
和葛老更老黃亦合同蕭散上帝近求容懶

又賀胡大卿生日

仙鵲梁銀漢見青原白鷺一點秋光猶嫩青鳥密傳
雲外信王母夜臨香案與河鼓天孫爲伴太素真人
乘此景到薌城卽嗣胡忠簡南極上星璀璨 松溪
居士多詞翰是神仙風骨元自無心仕宦人道月卿

白王粲集卷之六
四十七
臨總餉便合機廷樞館還又愛山林蕭散玉女金鍾
縈暖響拍靈椿仙鶴祈遐算公自有青精飯

又送趙師之江州

倏又西風起這一年光景早過三分之一燕去鴻來
何日了多少世間心事待則甚功成名遂楓葉荻花
動涼思又尋思江上琵琶淚還感慨勞夢寐 愁來
長是朝朝醉剗地成宋玉傷感三閭憔悴况是淒涼
寸心碎日斷水蒼山翠更送客長亭分袂閣皂山前
梧桐雨起風檣露舶無窮意君此去趁秋霽

又

一別蓬萊館看桑田成海又見松枯石爛目斷虛皇
無極疑安得殿頭宣喚指歸路鈞天早晚此去罡風
二萬里但九霞渺渺青雲遠望不極空淚眼 瑤池
昔會群仙宴此秋來荻花楓葉令人悽惋滿面朱塵
那忍見更酒病花愁何限知幾度春鶯秋鴈從此飛
神騰碧落向清都來往應無間丹漸熟骨將換

又

遙想陽明洞夜深時猿啼鶴唳露寒烟重家在神霄

白王物集卷六
四六
歸未得十二玉樓無夢夢裏聽瑤琴三弄醉臥長安
人不識晚秋天此意西風共黃金印吾何用 雲衢
高策青鸞鞋把天書玉篆留與世人崇奉垂手入鄜
長是醉醉則從教情懂那此子凝然不動一劍行空
神鬼懼金粟兒日向丹田種把得穩任放縱

又西湖作呈章判鎮留知縣

萬頃湖光綠是處裏芙蓉金盞木犀金粟鷁御飄飄
行水穀正是鱗香棖熟山色似梳風沐雨携取阿嬌
命豪傑過北山曠處南山曲寒烟淡晴鷗浴 巨觥
數引蒼髭盡便論詩說劍人各有懷西北兩見西風
客京國多在紅樓金屋凝情處落霞孤鶩蒲柳淒涼
今如許問功名志厥在何時足更簪取一枝菊

又贈紫元

極目神霄路斗柄南丹華翠景紅霞紫霧手折其花
今似夢十二樓臺何處猶記得當時伴侶東府西臺
知誰主憶當時自瀉金瓶雨人間事等風絮 上皇
赫雷霆主我何緣清都絳闕遽成千古白鶴青鳥消
息斷夢想鸞歌鳳舞應未得翻身歸去業債須教還

淨盡這一回嘗遍紅塵苦歸舉似西王母

又別鶴林

昔在神霄府是上皇嬌惜便自酣歌醉舞來此人間
不知歲仍是酒龍詩虎做弄得襟情如許俯仰紅塵
幾今古箏風燈泡洙無憑處卽有這烟霄路 淮山
浙岸蒲湘浦一尋思柳亭楓驛淚珠濺俎此去何時
又相會離恨縈人如縷更天也愁人風雨語燕啼鶯
莫相管請各家占取閑亭塢人事盡天上去

又游西湖

倚劍西湖道望瀾漫蒼葭綠葦翠蕪青草華表淒涼
市朝古極目暗傷懷抱秋色與芰荷俱老桂棹蘭舟
聊遣興仗金風吹使芙蓉破柳陰裏堪少坐 衷腸
底事君知那要繁絃急管又且沉酣則箇烟水冥茫
黃葉斷嘹唳數聲鴈過醉歸去山寒雲暮整日消遣
鎮來往問城南老樹知渠歷歷黃鶴望青紗帽

又賦西峰

風送寒蟾影望銀河一輪皎潔宛如金餅料得故人
千里共使我寸心耿耿暉無柰天長夜永萬樹蕭森

白王物集元卷六
五
猿嘯罷覺水邊林下非人境睡不著酒方醒
芙蓉池館梧桐井悄不知今夕何夕寒光萬頃年少風流
多感慨况此良辰美景須對此大拚酩酊滿目新寒
舞黃落嗟此身何事如萍梗桂花下露蕭冷

又咏雪二首

俯仰天粘水盡山河大地光涵表裏一夜春風搜萬
象簷外雨聲不已到曉來六花靡靡瑤樹琪林寒徹
骨知誰家嬌女慵梳洗且捏箇小獅子 瓊樓架就
東皇喜使玉龍戰罷柳綿飛起千古佳人詩句在一

江如鹽以米君試看石頭溪底剝剝塵塵銀世界記
當年曾赴瑤池會玉清境還如此

又

銀漢千絳雨被東風作惡吹落蒲空柳絮恰自江南
消息斷縵此六花飛舞最好是鵝毛鶴羽萬頃平田
三尺玉月明中不見沙頭鷺蒼烟裏一漁父 鵲橋
半夜寒雲妬到曉來千岩萬壑了無認處極目四方
銀世界五鳳樓前如許應自感傷心凝佇人在神霄
玉清府小獅兒捏就無佳句騎汗漫好歸去

又贈林紫光

月插青螺髻柳梢頭夕陽荏苒西風搖曳數粒蒼山
粘遠漢樹色烟光紫翠飛騎氣半醒半醉劍跨秋空
磨星斗指琉璃童不得鳴金轡恐驚動紫清帝 浮雲
飛度蓬萊水憶山中松寒露冷猿啼鶴唳家在武夷
岩谷裏一畝烟霞活計嘆然指人生百歲蘭畹芝田
幾今古洞門前小鹿啣花戲不知有人間世

又賦白芍藥號爲玉盤盃

靜看春容瘦未清明荼蘼避席薔薇出書花裏流鶯
罵桃李似與東風管勾怕虛度蘭亭時候我也別來
天上夕向年時感嘆湖山舊舊日事君知否 玉皇
駕出清都曉就御前三千神女拍麾八九化作花神
下人世如把粉團搗就又一似玉盤在手莫是蕊珠
親付囑教小心勸我杯兒酒也只得爲陪笑

又懷仙樓

極目飈塵表醉酣時樓中起舞樓前舒嘯坐見四山
烟霧散是處落花啼鳥忽驚下九天星斗雙鶴飛來
風露爽一聲聲清唳蒼松杪柰對景不醜酒 舊家

三點蓬萊小有瑤臺雙闕長是香花繚繞鐵笛夜吹
金劍吼恨此瀛洲路杳知幾度琪株春老閑倚朱欄
思昨夢對山江感慨無人曉但千里月華皎

柳梢青海棠

一夜清寒千紅曉粲春不曾知細看何如醉時西子
睡底楊妃 盡皆蜀種垂絲晴日暖薰成錦園說與
東風也須愛惜日莫吹飛

又寄鶴林

鶴使南翔詞玕翰綺誼暖情香如在瑤臺夢回初飲

月液雲漿 風吹蘆葉冥茫夕照外山高水長遙想
東樓琪花玉樹梅影昏黃

又送温守王侍郎帥三山

五馬風流銷金帳暖藥玉船寬放下荷囊携來銅虎
又舉熊羆 棠陰已接三山此列郡彼須大藩柳雪
紫旗東風欄馬父老爭看

一剪梅贈紫雲友

劍倚青天笛倚樓雲影悠悠鶴影悠悠好同携手上
瀛洲身在閻浮業在閻浮 一段紅雲綠樹愁今也

白玉蟾集卷六
五十三
休休古也休休夕陽西去水東流富又何求貴又何求

虞美人

蘋花零亂秋亭暮籬落江村路
櫂歌搖曳釣江歸攪
碎清風千頃碧琉璃
山銜初月明踈柳平野垂星
斗莫辭沉醉伴孤吟他日江南江北兩關心

阮郎歸舟行卽事

淡烟凝翠鎖寒蕪斜陽掛碧梧
沙頭三兩鴈相呼
瀟瀟風捲芳
何處笛一聲孤
岸邊人釣魚快帆一夜

泊桐廬問人沽酒無

醉江月

思量世事幾千般翻覆是非多少隨分隨緣
天地裏
心與江山不老道在天先神遊物外自有長生寶洞
門無鎖悄無一箇人到
一條拄杖橫肩芒鞋緊峭
正風清月好驚覺百年渾似夢空被利名縈繞野鶴
縱橫孤雲自在對落花芳草來朝拂袖誰來南岳尋
我

又詠梅

孤材籬落玉亭亭爲問何其清瘦欲語還愁誰索笑
臨水嫣然自照甘受淒涼不求識賞風致何高妙松
挨竹拶更堪霜雪儼憇爭柰終是冰肌也過了幾
箇晴昏雨曉冷艷寒香空自惜後夜山高月小浦地
蒼苔一聲哀角踈影歸幽眇世無和靖三花兩蕊不
少

又

當初誤觸紫微君謫下神霄王府醉後騎龍吹鐵笛
酒醒不知何處絳闕寥寥紅塵擾擾老淚滂如雨人
問天上桑田滄海如許遙想十二樓前琪花開已
遍鸞歌鶴舞夢到三天還又落愁聽空中簫鼓獨倚
欄干笑拈花片細寫思歸字東風還會爲伊吹上天
去

又次韻東坡賦別

寄言天上石麒麟化作人間英物醉擁詩兵驅筆陣
百萬詞鋒退壁世事空花賞心泥絮一點紅爐雪識
時務者當今惟有俊傑我本浩氣天成纔逢知己
便又清狂發富貴於我如浮雲且看雲生雲滅羊石

論交鵝湖惜別別恨多於髮共君千里登樓何患無
月

又羅浮賦別

羅浮山下正秋高氣爽淒涼風物瘦落丹楓飛紫翠
峭拔青山石壁客髮蕭疎詩腸清苦病骨如冰雪怒
髯鐵立有懷不下三傑袖裏寶劍生寒中宵起舞
引酒清歌發襟曲屢興猿鶴夢坐看月痕生滅露沁
桃花雲籠芝草任長葦蒼苔如今話別橙黃橘綠時
月

又

舊家宋王是何人偏到秋來淒慘細雨踈風天氣冷
離別令人銷黯檣燕飛歸岼花吹送自是生懷感挑
燈酌酒平生明目張膽二十年在江湖楓亭柳驛
往事都曾覽胸次可吞雲夢九也沒塵埃一糝木落
山高雲寒鴈斷水瘦溪痕減不知把菊又在何處軒
檻

又

海天秋老夜淒清坐對香温金鴨聽得寒蟬聲斷續

一似離歌相答鴻鴈初來驂騮欲去未夜燒紅蠟不
 須別酒有時亦呷一呷 丈夫南北東西何天不可
 鳴劍雄開匣豈特東湖徐孺子下得陳蕃之榻黃葉
 聲乾碧蓮香減枕上涼蕭颯出門一笑四方風起雲
 合

又送周舜美

道人於世已忘情尚更區區餞別樓碧先生辭蕙帳
 夜夜猿聲淒切劍上皇寒琴中風慘眉字飛黃色一
 杯判袂出門烟水空闊 我今流落江南朝朝還暮

暮千愁萬結那更荻花楓葉景又見長亭短驛世事
 空花人情風絮山外雲千疊君還到闕為言蹤跡風
 雪

又春日

桃花開盡正溪南溪北春風春雨寒食清明都過了
 愁殺一聲杜宇醉跨蹇驢踏翻芳草蒲蒲斟鸚鵡游
 仙夢覺不知身在何處 因甚青鳥不來一年春事
 燃指都如許人在白雲流水外多少鶯啼燕語遣興
 成詩烹茶解酒日落薔薇塢玉龍嘶斷亂鷗驚起無

數

又武昌懷古

漢江北瀉下長淮洗盡曾中今古樓櫓橫波征雁遠
誰見魚龍夜舞鸚鵡洲雲鳳凰池月付與沙頭鷺功
名何處年年惟見春絮非不豪似周瑜壯如黃祖
亦隨秋風度野草閑花無限數渺在西山南浦黃鶴
樓人赤烏年事江漢亭前路浮萍無據水天幾度朝
暮

又西湖

綠荷十里吐秋香湖水掌平如鏡日落雲收天似洗
况又月明風靜露逼葭蒲烟迷菱芡縮盡寒鷗頸兩
枝盡槩柳陰濃處萊興遙想和靖東坡當年曾勝
賞一觴一詠是則湖山常不老前輩風流去盡我興
還詩我歡則酒醉則還草聖明朝却去冷泉天竺雙
徑

促拍滿路花和純陽韻

多才誇李白美貌說潘安一朝成萬古又徒閑何如
猛省心地種仙蟠堪嘆人間事泡沫風燈阿誰肯做

白雲賦卷六
飛仙莫思量駿馬與高軒快樂任天然最堅似松
栢更凋殘有何憑據誰易復誰難長嘯青雲外自嗟
自笑了無恨海愁山

行香子題羅浮

浦洞苔錢買斷風烟笑桃花流落晴川石樓高處夜
夜猿啼看一更雲二更月三更天細草如氈獨枕

空拳與山麋野鹿同眠殘霞未散淡霧沉綿是晉時

人唐時洞漢時仙

洞府自唐堯舜始開至東晉葛稚川方來及偽劉稱漢此時方顯遂

興

八六子

戲改秦少游詞

倚危亭恨如芳草萋萋剗盡還生念柳外青鸞去後
洞中白鶴歸來恍然暗驚吾家眇在瑤京夜月一
簾花影春風十里松鳴柰昨夢前塵漸隨流水鳳簫
歌杳水長天遠那堪片片飛霞弄晚絲絲細雨籠晴
正消凝子規又啼數聲

漢宮春次韻李漢老詠梅

瀟洒江梅似玉粧珠綴密蕊疎枝霜風應是不許蝶
近蜂欺嫣然自笑與山樊共水仙期還亦有青松翠

竹同今凜冽年時 何事向人如恨半蒼苔半倚臨
水荒籬孤山嫩寒放曉尚憶前詩黃昏顧影說橫斜
清淺今誰它自是移春手段微雲淡月應知

卜算子景泰山次韻東坡三首

雲散雨初晴蟬噪林逾靜古寺敲鍾暮掩門燈映琉璃影
浩氣鎮長存昨夢還重省獨倚欄干嘯一聲
毛髮蕭蕭冷

又

古寺枕空山樓上昏鍾靜饑鼠偷燈尾蘸油悄悄無人影
長劍匣中鳴今古深思省此夕行藏獨倚樓
風雨淒淒冷

又

漁火海邊明烟鎖千山靜獨坐僧窓夜未央寂寞孤
燈影 感慨輒興懷往事無人省江漢飄浮二十年
一枕西風冷

鷓鴣天

雨過山花向晚香烟絲空翠柳微茫舊家丹竈何人
葛今日簾泉河老黃 犀角枕象牙床柳心織篔簹書

生涼盃行無算何曾醉不覺羅浮日月長

又

西畔雙松百丈長當時親自見劉王山前今日蓮花
水往者將軍洗馬塘南粵路漢宮墻晚風歷歷說
興亡摩挲東晉蒼苔龜細說仙翁煉藥方

又燈夕天谷席上作

翠幄張天見未曾馳峰鵝掌出庖烹醉酣渾自迷天
地但見樽前萬點星人似玉酒如餉果盤簇飣不
知名東風吹我三山下如在神霄上帝庭

蝶戀花題愛閣

冷雨踈風涼漠漠雲去雲來萬里秋陰薄笑倚玉欄
呼白鶴烟籠素月青天角竹松聲渾似昨醉膽如
天誰道詞源涸滿地蒼苔霜葉今宵不飲何時樂

又

綠暗紅稀春已暮燕子嚙泥飛入誰家去柳絮欲停
風不住杜鵑聲裏山無數白馬青衫無定據好底
林泉信脚隨緣寓拚却此生心已許一川風月聊爲

又

白玉蟬集卷六
樓上風光都占斷樓下風光還許詩人管管領風光
誰是伴一堤楊柳開青眼波面琉璃花影亂玉笋
持杯畫舸歌聲顫醉裏尋春春不見夕陽芳草連天
遠

楊柳枝

接碎梅花一斷腸送斜陽風烟縹緲月微茫又昏黃
平野寒蕪何處斷接天長短籬淺水橋青黃度清香

附錄

雜著

松風集序

夫松風者天籟也松非有約於風風非有情於松適
然相遇則若嘶雲嘯月者使人聽之自有周情孔思
存乎其中倏如鏘玉珮忽如鳴瑤琴轉而爲洞簫緩
而爲雲韶又其霏微瑟縮則如寒食清明之雨至澎
湃喧飀則如揚瀾左蠡之浪起彼馬千枝萬葉其爲
一風所攝也如此而風之曉夜疾徐自不同而松之
所受也又如此寒響滿平虛空清音漲於崖谷其非
天籟乎孰使之然哉惟其出放自然也非然非竹故

白玉蟾集卷六
能換世人鄭衛之耳耳與之化自不覺肝脾爲清毛
骨欲蛻飄飄然有乘雲御炁之樂也此逸人白君王
蟾之詩汗漫成集而名之曰松風者以此余持節憲
江東之日嘗相契於廬山之陽及其祠廩也時過我
於茗溪之上比將漕指復爲此來又遂從容乎慢亭
山水之間談笑琳琅咳唾珠玉灑然若松風之冷而
予所得於松風多矣四方學者謂之紫清先生云若
日薦有道舉逸民其李泌种放之流也嘉定壬午春
青社譙令憲序

紫元問道集序

讀韓昌黎桃源之句則起神仙渺茫之念讀白樂天
海山之辭則起兜率歸去之思人心無根隨悟生智
噫吾聞之神仙可以學得不死可以力致非曰能之
願學焉幼時業愛修仙鞭心于茲不覺壬子又丁丑
矣人間歲月如許頭顱皮袋又安以頓哉天貸其逢
而於道有可聞之漸是年春遭遇
真師海瑤君姓白諱玉蟾或云海南人疑其家於襄
沔也時又蓬髮赤足以入塵市時又青巾野服以遊

宮觀浮湛俗間人莫識也自云一十有四矣三教之書靡所不究每與客語覺其典故若泉湧然當世飽學者未之能也真草隸篆心匠妙明琴棋書畫間或玩世所與交者盡時髦世彥雖敬慕之者不可得親隨身無片紙落筆滿四方踏遍江湖名滿天下其從之如毛也時人多見其囊中曾不蓄銖銅粒黍以自備或醉甚輒呼雷或睡熟能飛章或喜或怒或笑或哭狀如不慧或亦出言與休咎合觀其濟世利人之念汲汲也徹也燒燭以坐鎮日拍欄以歌晨亦不沐晝亦不炊經年置水火於無用稱其耳曠目眊或對客以牙宣爲辭未審厥旨也無酒亦醉睡醒亦昏諸方士夫刊其文碑其言多矣今多嗔少歡與世甚相違故慕之而針芥歟荷相授以九鼎金鉛砂汞之書太乙刀圭火符金液之訣紫霄嘯命風霆之文元長自惟曩者獲罪於天失身墮世何以得此誓糜軀以修之焉期不負所學矣謹集問酬警悟之一二以鈔諸木使四海同志之士有所啟發也

白君得之陳泥丸陳得於薛道光薛得於石泰石得

於張平叔張得於劉海蟾劉得於呂洞賓况人皆知其爲人而讀其書也吾何贅以序哉紫元子留元長稽首再拜序

廬山集序

嘗謂世之學仙者非羈困無聊之士放逸以自寬則年齡遲暮之人僥倖於不死蓋未有春秋鼎盛功名方來而甘心淡泊翛然爲方外之游者瓊山先生以妙齡赴高科讀書種子宿世培植根氣已絕常人百倍矣以其所學肆而爲文登金堂上玉直

餘事耳顧乃棄軒冕之貴而從冠褐之游捨鍾鼎之榮而嗜山林之樂大還丹法獨得安爐立鼎之妙昔錢宣靖謁希夷而麻衣熟視以爲無此分先生超然風塵之表領悟翠虛不傳之旨豈謂有此分者龍虎鉛汞之說鹿卿固未之學然竊謂文章以氣爲主尤不可以昏氣出之先生噫笑涕唾皆爲文章下筆輒數千言不假思索如元氣渾淪太虛中隨物賦春無一點剪刻痕而曲盡其妙則所養者可知矣名章麗語流落人間有志者會粹成編宜求當代大手

筆以贊其美篇首之序乃以屬陳人豈翅借聽於聾而已侯喜不識軒轅非世俗人而輒相與論詩宜有石鼎之嘲鹿卿雖未見先生而讀其詩文則知非食烟火人矣其敢違蒼蠅蚯蚓之誚所示巨編以清靜心蕪自然香壯誦三復而云迪功郎南康軍軍學教授姚鹿卿序

跋修仙辨惑論序

先生姓白名玉蟾自號海南翁或號武夷翁未詳何處人也人問之則言十九歲師事陳泥丸九年學煉

金液神丹九還七返之道虛坎實離之術蓬頭赤足其右耳聾一衲百結辟穀斷葷經年不浴終日握拳閉目或狂走或兀坐或鎮日酣睡或長夜獨立或哭或笑狀如風顛性喜飲酒落魄不羈心通三教學貫九流多覽佛書研究禪學參受大洞法籙奉行諸家大法獨於雷法尤著驗焉嘗自稱王府雷霆吏至如驅邪治病之間汲汲焉如拯饑溺舊有群仙珠玉集乃先生著述丹訣也廣閩諸處多有文集刊行偶來金華洞森一見如故人延歸蝸舍從容扣之始覺其

白王蛇集卷六
方寸一點浩然發爲詞翰已無烟火氣一文草書龍
蛇飛動詩章立成文不加點與森酬唱僅百餘篇已
板行矣其他處吟咏不可勝數及在羅浮山霍童山
武夷山龍虎山天台山多遇異人頗著符瑞每所到
處間有異應人有願學之者不可得而與語獨自往
來日行二三百里人見其蹤跡多疑張虛靖卽其前
身森汨沒塵俗徒起敬慕及見修仙辨惑論披讀之
餘知先生骨已仙矣森晚節末路方銳意爲方外之
遊得此豈非天賜耶嗟夫古仙心傳口授秘訣先生

一旦形之毫楮坦然明白使人人可曉略無隱語灼
知二地凡夫皆有仙分則先生處心積慮有意度人
與前賢不約而侔矣先生此去或隱於名山大澤之
中或遊於通都大邑之內後會又未知何日何地也
森遂將斯文鋟板傳之於世以成先生之志如先正
司馬歐陽呂富諸公徃徃密修神仙之學予二祖文
忠文定嘗有龍鉛虎汞水龍火虎之說蓋前輩名公
鉅儒致君澤民功成身退之後未嘗不留意於此森
願尾其後塵嘉定丙子中元日朝請郎主管建寧府

武夷山冲佑觀嬾翁蘇森仲嚴述

跋鶴林問道集

予少時聞內丹可學遍遊海岳叅訪師友莫有知者
嘗讀趙彥綱藝林集乃知太乙刀圭火符之正傳始
自鍾呂默相付授呂傳之劉海蟾劉傳之張平叔先
鸞後鶴不曰無人朝海暮梧實難際遇今觀鶴林集
由平叔而下石泰薛道光陳泥丸曰玉蟾燈燈相續
吾鄉彭季益性理融明投機一言收功半餉集其問
答刊而成編以淑諸人用志廣且大矣嘉定丁丑臘

日冲尚老人黃庸子至書跋於後

跋鶴林紫形問道集

海瑀先生人耶仙耶世不得而知之也丙子歲余於
華陽道院有一笑之適已而追從平墨池筆塚間凡
二數月莫能窺其際今先生少憇無諸日偕鶴林紫
元二真士發揮玄闡朝夕問答集以寄予誦之終日
真竒書也予別先生久矣時起暮雲春樹之思輒神
交氣合於華胥之國近有携夢蟾圖一卷惠予圖中
具載孔毅甫元祐初年一夕夢月光斜照高岩中有

物如蝦蟇雪色旁立二道士手各持文書人告之云
此是上界真人號娑羅臺青蓮白衣菩薩夢覺圖形
事之淳熙間周益翁嘗刻以遺臨江簡壽王石湖居
士賦詩以紀靈余得此圖始悟先生玉蟾之號似非
偶然者先生靈踪異跡在在聲聞其於佛老祕典及
人間所未見之書靡不該貫非自真人菩薩地位中
來儔克爾余復怪先生雨中風帽朝北海暮蒼梧所
至戶屨雲集獨於二君有不忍去豈圖中所載執經
二道士也耶余非好爲附會者以其事有足證因爲

之書以附卷末云古武榮桂隱諸葛琰

跋陳泥丸真人翠虛篇

余舅新廣東憲盤莊老人黃公庸自其少時足跡半
天下喜與方士高人遊得服餌長生之訣今逾士望
八狀貌強健如壯年每每道泥丸陳先生之名慨慕
不可得而見余從旁竊識之嘉定丙子余來金華海
南白公比歲再遇解后輒彌日款議論衮衮無非發
明其師之道平生出處甚悉蓋泥丸學者徒也神仙
之事渺茫恍惚不可控搏而傳記所載竒變萬狀同

白王集卷六
出一源若泥丸者其可不傳以補列仙之軼先生陳
氏子諱南字南木惠州博羅人以盤橿籬桶爲業浮
湛俗間人無知者一日作盤橿之偈曰終日盤橿圓
又圓中間一位土爲尊磨來磨去知多少箇裏全無
斧鑿痕籬桶之偈曰有漏教無漏如何水泄通既能
圓密了內外一真空其言下超詣如此所得蓋不凡
矣人以疾苦撮土與之隨瘳而愈故俗呼泥丸先生
其自號則翠虛翁也西華真人傳之張紫陽張傳之
石翠玄石傳之薛紫賢薛傳之陳翠虛得太乙刀圭

火符秘訣景霄太雷琅書以雷法行於世所至與人
治鬼潮陽民家女苦狐厭狂易無度先生用雷符熏
狐魅殺之時被髮走日行四五百里鶉衣百結塵垢
滿身喜食蛇狗之肉終日爛醉莫測所如而濟人利
物效驗有不可揜嘗之蒼梧遇郡禱旱人憂竭死先
生執鐵鞭下淵潭驅龍起須臾陰雲四合雷雨交作
境內沾足遂爲豐年過三山大義渡洪流湍悍舟不
敢行先生浮笠而濟行欽管道上遇群盜拉殺瘞之
後三日盜散復甦游長沙衝帥節執拘送邕州去數

夕又回長沙矣中夜坐定或含水銀越宿吐視已成
白金乞與其徒不顧也嘉定四年春作頌言出世意
四月赴鶴會於朝陽執事者以其茹葷羶惡涕坐之
戶外適有持片竹若箍桶者入呼之起與喧爭至危
橋俱溺而逝道家所謂水解云時葛尉往湖南省親
遇先生於寧鄉是年四月十四日也先生自言閱歲
四十三而人有三世見先生者亦異矣平生著述有
紫庭經察判潘公景良錄傳翠虛篇真息予王公思
誠續編之自丹經行於世幾千萬卷高者入虛無下

者聘怪幻如先生之書刻煩趨要剔偽辨真開後學
以從入之塗歸宿之地鑿鑿乎有所據依以爲人皆
可學而卒莫有能學之者豈真不可學耶苟非其人
道不虛行夫道一而已矣翠虛之門有鞠九思沙道
昭白玉蟾皆心傳口授其高弟也是三人者不可得
而見幸白公歲一逢焉翠虛之道得白公而益顯而
白公浮游飄忽又將離世絕俗而立於獨吾憂其不
可得見也故併書之以貽好事嘉定丁丑六月初伏
日承議郎通判婺州軍州兼管內勸農事陳與行書

白王蟾集卷六
于風月堂

瓊山番陽事跡

白先生以二月五日到番陽旅邸與一舉公蔡元德劇談且命人欲同飲每問識白王蟾否蔡以其狀若佯狂且語言無擇意其不肖子弟也不甚領略其語但得其集一編麻沙刊者又訝其才且疑且信間明日五更留詩云洞門深鎖綠烟寒來享浮生半日閑城北城南無老樹橫吹鐵笛過廬山後題王蟾二字語邸翁曰候蔡解元起以此呈之遂翩然而行亦有

其徒數人相追逐蔡大悵惜諸公多賦詩紀其事千嘗游龍虎山上清官見其題詠甚富前年又荷其寄群仙珠玉一冊然竟未識之茲寓番城又失於一見感蔡君之事亦賦數句云白王蟾來調蔡經端如侯喜逆彌明五更援筆留詩去惆悵番江月浦城亦稟譙提刑或可遣人往廬山物色之然恐未易尋今因何德來問其詳謾書之戊寅二月十一日從事郎新南劍州州學教授湯于述

詩贈瓊山高人

山澤道人李詵

白王蟾集卷六
莫笑瓊山僻一隅有人飽讀世間書何曾地脉斷滄
海自是神仙混市區到處炎涼無冷熱隨緣烟火不
饑虛定應月裏長生藥竊得成功號玉蟾

奉和瓊山白逸人見寄詩韻 廬陵楊長孺

雲卧霞餐雪飲湯赤城臺上日偏長靈丹自有天成
底金汞何須惱肺腸

奉謝瓊山白逸人惠草書千字文芦陵楊長孺

草聖龍蛇字滿千真仙游戲筆清圓孔融枉却知元
德杜甫何緣有一錢

又

君占清風明月多不知此子肯分麼道人身自如蟬
樣敢把黃塵浣綠蓑

題福州天慶觀壁白逸人詩後 并序楊長孺

廬陵楊長孺伯子在福州時一日禱祈天慶觀見
壁間有白玉蟾題詩大書草聖有呂洞賓之筆法
喜而貌之標為大軸以歸因成五言古句跋其後
蓋嘉定庚辰也壬午臘月己亥逸人自臨川筆架
山遣介惠書非偶然者錄以寄之逸人未通書長

白王集卷六
孺已相識矣

羸政與劉徹苦心求神仙蓬萊不可到長遭風引船
千年兩癡兒一笑堪粲然何處覓庚冰蘧蔭有人焉
如今白逸人祇在江海邊詩豪仍酒聖不粒且不羶
果蔬供糗糧筆研爲原田得句超象外揮毫妙無前
龍蛇走屋壁雲烟起山川姓名聞九重文字流八埏
飛鴻矯冥冥騎鶴橫翩翩邂逅儻識面真成欠因緣
我來手合沙徒喜詞翰得持以歸禁處揭之伴枯禪
夜半每驚起虹蜺忽垂天

敬次海瓊逸人小山韻

覺非居士彭演

芒鞋破臘似尋梅誰識真仙亦姓回居易未容歸海
院自然聊與訪天台隨緣又作匆匆別乘興何妨得
得來倘與衰翁聞一二不辭日日闢蒿萊

奉題楊伯子贈白瓊山詩後

方巖王居安

佛說神仙事壽經千萬年煉心或未盡之趣尚循環
佛語不吾欺敢謂然不然我見 海瓊子年少冰玉
顏語不及世利口不如葷羶胸次飽經史道釋二藏
全扣之如汲水挹注誰能乾一日來訪我如有宿昔

白王蜩集卷六
緣急索紙與筆贈我錦繡篇文詞有根蒂草聖生雲
烟旁觀駭衆目頃刻字數千人言能入水捉月自臨
川香不見蹤迹復在匡廬巔變化有如此誰能測其
端誠齋有賢子高目視青天於人罕許予詠讚成
巨編我直凡骨尔豈能識神仙楊子所深信我復何
疑焉拙語附卷末再見知何年

浮冲虚觀壁間紫清道人詩筆因用贈鄒
知觀韻作此寄
東臯曾治鳳

聞君名字久疑是謫仙人詩酒偶留意形骸一任真

爐中丹有訣袖裏筆能神切戒才爲累無心與道隣

瓊山先生歸自羅浮三詩言心
紫巖潘公筠

自從宿別羅浮去斗北箕南欲問難或說匡廬來採
藥又傳黎母去燒丹玉天風露愁人甚塵世荆榛沒
眼看此日弄聽華表語男兒心事未摧殘

螺江一別幾經秋顛到而今益可羞既不將身葬魚
腹爰談飛劍取人頭時時仰面把天覩處處逢人欲
語休萬一頑仙如可學壺公石下乞優游

贈別瓊山先生
紫巖潘公筠

自玉蟾集卷六
仙人月下愛騎鸞咫尺青天到不難
恠得螺江新稅駕又從勾漏去求丹
何如林下抽身早留與人間作
樣看顧我尚堪薪水役覬覦他日
鼎留殘

世路崎嶇淚欲流滿前景物替人羞
江風萬里水皴面曉雪四圍山白頭
須味吾今知薄薄亭名公合榜
休休子長史記今須了南北何爲苦
好游

公筠不敢放世俗寒暄之敬輒賦明月一篇

寄呈瓊山先生

紫巖潘公筠

明月何皎皎桂樹青團團當此三五夜
浮雲太無端忽然長風起來自玉門
關雲破月走出照見人心肝影落千江
水涼生幾處山取酒共月飲取琴共月
彈我欲抱此月來不來人寰初時玉川
太早計便謂已作煤炷看何當再見白
玉盤李白翻身死不難所願斬盡浮雲
根千古萬古天中間我吟此詩清夜闌
懷美人兮雙淚潛

敬次瑯山水調歌

山澤道人

足跡走天下家說在瓊川往來無定蓬
頭垢面任憎嫌揮掃筆頭萬字貫穿曾
中千古不記受生年海角

白王明集卷六
一相遇緣契似從前 鍾離歌呂公篆醉張顛恍如
赤城龍鳳來過我鯨仙笑我未離世網不染箇中塵
土饑食困來眠擬問君家祖堯率樂天天

敬次白真人沁園春韻

方巖老圃

湖海襟期烟霞氣宇天上星郎有靈方肘後年年却
老神鋒耳底夜夜騰元萬卷蟠曾千鍾蘸甲衮衮詞
源三峽滂功成處見須彌日月河岳星霜 興來引
筆千行看舉世何人是智囊任縱橫萬變難瞞道眼
優游自樂不識愁腸開市叢中密林靜處鼻觀常闢

三界香天書到聽笙簫競奏幢蓋班行

潘狀元上瓊山書

維月吉日紫巖潘公筠頓首拜書

海瓊先生筠於人間世無所甚敬於古獨長孤竹君
二子而愛李翰林於今則 海瓊先生然 先生知

蔑之面而已便當談笑以明其心而粗陳其大綱筠
少也賤父兄勉勵臨以笞筆俾爲文章僅成可讀筠
豈願誦嗷牙博天子一官秋風黍離肉食者鄙筠以
爲君父之讎不報而求獨善非夫也故未弱冠來游

京師庶幾佐助明主攘除姦克然從赤松游耳時旣
不航萬念灰冷况離虛坎實逝者如斯筠猶隱忍未
能洒濯其心筠亦有說筠未能棄夫人間之事也筠
見夫爲臣不忠爲子不孝者筠思食其肉而寢處其
皮也久矣故嘗午夜披髮仗劍刺刺臂血申盟于天
曰四維上下十方三界有爲臣而不忠者臣願得而
殺之有爲子而不孝者臣願得而殺之潛心腦後誓
願飛行木丹風秋有淚如雨筠誠欲修頑仙之術而
後知耳故飲酣膽張目眦盡裂嘗有詩曰娶妻須聶

隱虬鬚要人肝又曰古云燕趙多奇士我欲載酒游
邯鄲庶幾一笑倘相遇何處人間無白猿誠不知其
不可者也天巧其逢遭遇 海瓊先生共惟不捨慈

悲勉以大藥此疇曩心而尚持猶豫者誠未忘夫人
問事也萬一可教乞露糟粕如其去道浸遠用志徒
辛卽望早示鞭影筠不敏尚能高卧壺公一然石下
不至效田子春呱呱兒女聲也吁筠亦人傑也哉惟
先生尚留意焉公筠頓首百拜

待制李侍郎書

說悚息啟上 瓊山居士道契一別倏經年人間歲月如許一劍孤飛無定處走天台游廬阜今又過三山何異朝粵暮梧也然尺書面目常常墮前珠璣翰墨處處傳布如月行天夜夜瞻仰日來秋冬之初寒燠不定伏想真氣煉就超乎離坎之外在處有物護持不在多祝說行年七十有五老境多逆乃蒙飛章投簡特為啓醮顧帳塵緣安得道根可以稱是因作二句云但得此身常老健更於何處覓神仙謾奉一笑伏讀著述甚盛且大聰明隨身無片紙落筆滿四方人所難及所願收斂光芒更不作此清淨業尤為奇特最勝不知如何見杜隱云有人即行忽忽不多及一切長語煩儀略之說悚息啟上

華文揚郎中劄子

長孺伏以寒盡春生好雨知時恭惟 白君逸人身寓世間心超物外尊候神介動止億福長孺頃守三山想萊來於老子之宮識英豪於題壁之句初以為仙侶不以為今人也徐而問之乃知其為今人而似仙非凡者也聞在泉南無從覲面但恐渴望梅領尔

退休山林於石塘劉和夫處見辭章翰墨甚富詼
雲野鶴其詳雖未覲面如已覲面讀戊寅年筆架山
中二十八詠今五年矣御風騎氣知在何許顛使程
富驟至辱惠以書且寄之詩又以草聖千文示之驚
喜下拜如從天而下何何必見紫芝眉宇然後爲晤
對耶論交自此始矣古風一首絕句三篇別紙呈似
用酬來貺未領其意勿以俗人待我是幸是望見教
二記展碑快讀雲錦之文竒古道院之文博洽不勝
嘆服珍而藏之復命第達空函當發大笑逸人知我

者姑此爲戲耳

右謹具申 呈

壬午十二月

日朝散大夫直華文閣主管

亳州明道宮楊長孺劄子

新福師王侍郎

居安俗塵未脫徒有慕道之懷言別未幾已劇馳仰
示教二詞語意高妙非肉眼人所能識也謹珍藏以
爲篋笥之寶五印文謹以封納切幸視至居安徃徃
日末起離此間他時不忘故鄉往來烏石九仙毋言

賜訪也 紫清真人契友

福師王侍郎

居安方幸道舊又復語離此情何極孤雲野鶴可見
而不可親愈增懷仰而已居安老矣後會何期願言
行滿功成早膺丹霄紫府之召居安至禱

右謹具呈

二月 日中奉大夫敷文閣待詔知福州福建
路安撫使王居安劄子

海瓊王蟾先生文集卷第六終

書